

թանճարող էր ծածուկ քաջալերել սան-
 ճագերծուած բռնութիւնները, այդուհան-
 դերձ, օսմանեան գահակալի նման դիրքո-
 ըրողմը մեկնաբանում է տերութիւնների
 կողմից իրեն պարտադրուած բարենորո-
 գումների իրականացմանը միտուած միջո-
 ցառումների տապալման ցանկութեամբ:
 Բացի դրանից, Հեղինակը մեծ նշանակու-
 թիւն է տալիս սուլթանի՝ բանակը մահմե-
 դականների դէմ դուրս բերելու ցանկու-
 թեան բացակայութեանը, թէպէտ ընդու-
 նում է գինուորականների մասնակցութիւ-
 նը կոտորածներին⁴⁵:

Արդիւնքում, Ժէորժէոնը թէեւ փաս-
 տում է Աբդուլ Համիդի կարծեցեալ անկա-
 ըրողութիւնը կամ ցանկութեան բացակա-
 յութիւնն իրավիճակը կարգաւորելու հար-
 ցում, օսմանեան տեղական պաշտօնեանե-
 ըրի դերն ու մասնակցութիւնը կոտորածնե-
 ըին, այդուհանդերձ, այս անգամ եւս, թէ-
 պէտ փոքր-ինչ քողարկուած ձեւով,
 ժխտում է հայ ժողովրդի բնաջնջման իրա-
 կանացումը սուլթանի եւ օսմանեան պե-
 տութեան կողմից պետական քաղաքակա-
 նութեան մակարդակով: Նա կտրականա-
 պէս մերժում է այն իրատեսական մեկնա-
 բանութիւնը, ըստ որի կոտորածները
 «կարգադրուել են եւ նոյնիսկ ծրագրուել»
 օսմանեան կառավարութեան կողմից, իսկ
 հիմնաւորելու համար իր տեսակէտը՝ բե-
 րում է, մեղմ ասած, ոչ այնքան համոզիչ
 փաստարկներ, ինչպիսիք են կայսրութեան
 ոչ բոլոր տարածքներում հայկական կոտո-

րածների սանձագերծումը կամ օսմանեան
 որոշ տեղական պաշտօնեաների՝ բռնու-
 թիւններին հակադրուելու՝ իրականութեա-
 նը յիշուած համապատասխանող փաստերը:
 Ըստ նրա հիմնական մեկնաբանութիւննե-
 ըրի՝ Ժէորժէոնին կարելի է անվարան դասել
 Հայոց ցեղասպանութեան պատմութեան
 ժխտողական ուղղութեան աւելի չափաւոր
 կողմնակիցների շարքը, եթէ առաւել եւս
 նկատի ունենանք, թէ Օսմանեան կայս-
 րութեան պատմութեան ինչպիսի բանիմաց
 հեղինակի է վերաբերում խօսքը:

Ինչպէս տեսանք, նրանց մեկնաբա-
 նութիւններն ամբողջութեամբ համահունչ
 են ժխտողական պատմագրութեան ընդհա-
 նուր խճանկարին եւ համիդեան կոտորած-
 ների մեկնաբանութեան ասպարէզում ո-
 րեւէ ինքնատիպ հարցադրումներով չեն
 առանձնանում: Նրանք սոսկ որդեգրել են
 թէ՛ ԺԹ դարի վերջի եւ Ի դարի սկզբի
 Ֆրանսիացի հայրենակիցների եւ թէ՛ ի-
 րենց ժամանակակից այլազգի պատմա-
 բանների՝ միեւնոյն ուղղութեան ներկայա-
 ցուցիչների հիմնական թեզերը եւ բաւա-
 րարուել դրանց վերաշարադրմամբ: Ամէն
 դէպքում, Հայոց ցեղասպանութեան պատ-
 մագրութեան ժխտողական ուղղութեան՝
 Ֆրանսիական պատմագրութեան ներկա-
 յացուցիչների գրչին պատկանող աշխա-
 տութիւնների տեսակարար կշիռը Ֆրան-
 սիական պատմագրական մտքի նուա-
 ճումների յենքի վրայ, անտարակոյս,
 նուազ է:

ՀԱՅԱՍՏԱՆԻ ՀԱՆՐԱՊԵՏՈՒԹԵԱՆ ԵՒ ԳԵՐՄԱՆԻԱՅԻ
 ՓՈՒՅԱՐԱԲԵՐՈՒԹԻՒՆՆԵՐԸ 1918 Թ. ՕԳՈՍՏՈՍԻՆ

Աշոտ Հայրունի

Հայաստանի Հանրապետութեան դրու-
 թիւնն ինչպէս նախորդ ամիսներին, այն-
 պէս էլ օգոստոսին շարունակում էր մնալ
 ծայրայեղ ծանր եւ յուսահատական: «Հա-
 յաստանը, աւելի շուտ, գաղթականական
 կայան էր,- գրում էր Սիմոն Վրացեանը:-
 Ամբողջ երկրում շուրջ 450,000 գաղթական
 էր թափուած, որից մօտ 40,000-ը Երեւա-
 նում, շատերը՝ փողոցների եւ աւերակ շէն-
 քերի մէջ: Հաց չէր ճարուում...: Սարսափելի
 էր որբերի վիճակը... Մարդիկ մեռնում էին
 անմոռնչ, հարիւրներով, հազարներով:
 Ժողովուրդը սպառուած էր վառուող մոմի
 պէս: ...Վեց ամսուայ ընթացքում սովից ու
 հիւանդութիւններից Հայաստանում մեռաւ
 180,000 մարդ»¹:

Այդ ծանր իրադրութիւնում Հայաս-
 տանի Հանրապետութեան կառավարութիւ-
 նը շարունակում էր ջանքեր գործադրել
 Բրեստի պայմանագիրը կեանքի կոչելու՝
 սովահարութեան մատնուած հարիւրհազա-
 րաւոր հայ փախստականներին իրենց հայ-
 րենի բնակավայրերը վերադարձնելու եւ
 Հանրապետութեան տնտեսաքաղաքական
 մեկուսացումը վերացնելու համար Գերմա-
 նիայի աջակցութիւնն ստանալու նպատա-
 կով: Օգոստոսի 2-ին Բեռլինում գտնուող
 հայկական պատուիրակութիւնը օգնու-
 թեան մի գրաւոր խնդրագրի հետ միասին
 գերմանական արտգործնախարարութեանը
 ներկայացրեց քաղուածքներ կոստանդնու-
 պոլսում գտնուող հայկական պատուիրա-
 կութիւնից ստացուած տեղեկագրերից, ո-
 թոնք ահազանգում էին բազմահազար հայ

փախստականների ծայրայեղ ծանր դրու-
 թիւնը եւ թուրքական զօրամասերի ու թա-
 թարական հրոսակների կողմից հայերի
 հանդէպ իրագործուող բռնութիւնների շա-
 րունակական աճը: Այդ քաղուածքներում
 ընդգրկուած էր նաեւ հետեւեալ հատուածը
 Հայոց ազգային խորհրդի նախագահ Աւե-
 տիս Ահարոնեանի՝ յուլիսի 20-ի նամակից.
 «Դուք այդտեղ չէք կարող պատկերացնել,
 թէ ինչպիսի ահռելի չափերի է հասել մեր
 ազգի փախուստը, եւ որքան սոսկալի է
 դրանից առաջ եկած թշուառութիւնը: Երե-
 ւանից մինչեւ Դիլիջան եւ Նոր Բայազէդ
 ճանապարհներին փախստականների մի
 ամբողջ ծով է: Թիֆլիսի եւ Վլադիկավկա-
 զի միջեւ գտնուող ռազմական ճանապար-
 հը լեփ-լեցուն է փախչող հայերով: Ախալ-
 քալաքի 80,000 հայերը խնուած են Բա-
 կուրիանի կիրճերում՝ մատնուած օտար
 իշխանութիւնների պաշտօնական եւ ոչ
 պաշտօնական կամայականութիւններին:
 Ղարաքիլիսայի հովիտները լի են փախս-
 տականներով: Այնտեղ են գտնուում Կարսի
 եւ Ալեքսանդրապոլի շրջանների բոլոր հայ
 բնակիչները: Քաաչի եւ Բորչալուի թա-
 թարները, ոգեւորուած թուրքական զօրա-
 մասերի ներկայութիւնից, նրանց անմարդ-
 կային կոտորածների են ենթարկել: Նրանք
 միայն Ղարաքիլիսայի շրջանում սպանել
 են 2000 հայերի: Աչազազերաիլի կայարա-
 նում հայ որբերը, որոնցով շատ վազոններ
 լի էին, իրենց ուսուցչուհիների հետ միա-
 սին սպանել են ենթարկուել: Առհասարակ
 Ղարաքիլիսայից մինչեւ Թիֆլիս ձգուող
 երկաթուղագիծը մեր ազգի կառափնա-
 վայրն է դարձել: Փախստականների բազ-
 մութիւնը, որը թուով կէս միլիոնից աւելի
 է, գրկանքների եւ թշուառութեան մէջ մա-

45 Նոյն տեղում, էջ 293-295:

1 Վրացեան Ս., Հայաստանի Հանրապետութիւն,
 Երեւան, 1993, էջ 199-200:

Հուլանքածին է դառնում ամէն օր ու ամէն ժամ: Եթէ շատ շուտով մեր տարածքը մինչեւ Բրեստի սահմանը չազատուի, մեր ժողովուրդը կորած է...»²:

Պատուիրակութեան կողմից ԱԳՆ ներկայացուած միւս քաղաքները կատարուած էր ՀՀ արտգործնախարար Ալեքսանդր Խատիսեանի՝ յուլիսի 23-ի նամակից: Այնտեղ նշուած էր, որ թուրքական կառավարութիւնը փախստականների առնչութեամբ ՀՀ կառավարութեան ուղարկած նոտային դեռ չէր պատասխանել, չնայած խոստացել էր հարցը երեք օրում քննել: Նաեւ տեղեկացուած էր, որ թուրքական զօրքերն իրենց շատ անվայելուչ էին պահում եւ յաճախ հէնց իրենք էին Ղարաքիլիսայում, Լոռիում, Ախալքալաքում ու այլ վայրերում հայերի կոտորածներ իրականացնում, որի հետեւանքով Լոռիից փախստականների զանգուածները լեռներով գնում էին Դիլիջան, իսկ այնտեղից Նոր Բայազէդ ու Երեւան: Միաժամանակ նշուած էր, որ թուրքերը Ղազախից թաթարներին տեղափոխում էին Կարսի շրջան՝ փախուստի մէջ գտնուող հայերի բնակավայրերում վերաբնակեցնելու համար³:

2 Deutschland und Armenien 1914-1918, Sammlung diplomatischer Aktenstücke, Herausgegeben und eingeleitet von Dr. Johannes Lepsius, Potsdam, 1919, էջ 417-418:

3 Նոյն տեղում, էջ 418: Արտգործնախարարութեանը յանձնուած՝ թուով երրորդ քաղաքները Գեղարքայում էր Կոստանդնուպոլսում գտնուող հայկական պատուիրակութեան քարտուղար Քոչարեանի՝ յուլիսի 20-ի տեղեկութիւնն այն մասին, որ դէպի Բաքու եւ Երեւան երթուելու դեռ վերականգնուած չէր: Հաստատուած էր այն փաստը, որ Օհրակի դաշտավայրից բազմաթիւ հայեր կալանադրուել եւ ուղարկուել էին Թուրքիա: Թուրքերը Ելիզաւետպոլսում գտնուող հայերից իսկ էլ էին նրանց գէնքը, իսկ վլադիկավկա տանող զինուորական ճանապարհը արգելափակուած էր: Աւագակների հրոսակները շարունակում էին աւարատութիւնը Ախալքալաքի շրջանում, որի բնակչութիւնը դեռ վերադարձի հնարատութիւն չուներ: Աւելի քան 600,000-ի հասնող փախստական հայերի մէջ իրենց հունձն

Օգոստոսի 5-ին Բեռլինի Հայկական պատուիրակութեան նախագահ Համո Օհանջանեանը գերմանական ԱԳՆ պետքարտուղարին ներկայացրեց եւս մի ընդարձակ ուղերձ, որտեղ դարձեալ ուշադրութիւն էր հրահրուում հայութեան ծանր դրութեան վրայ, եւ միաժամանակ կատարուած էին առաջարկներ, որոնց իրագործման դէպքում հայերը վերջնական կործանումից կը փրկուէին: Ուղերձում վերստին մատնանշուած էր, որ հայ ժողովրդին համաշխարհային պատմութեան մէջ աննախադէպ փորձութիւններ վիճակուեցին, եւ թուրքիայի մօտ 2 միլիոն հայերից կենդանի էր մնացել հազիւ կէս միլիոնը: Օսմանեան կայսրութեան հայերի բնաջնջման ընդհանուր սահմուկեցուցիչ պատկերի ներկայացումից յետոյ անդրադարձ էր կատարուում այն ծանր կացութեանը, որում գտնուում էին Կովկասի հայերը: Նշուած էր, որ Բրեստի պայմանագրի ստորագրման ժամանակ հայերն ակնկալում էին, որ դրանով որոշակիօրէն կը հատուցուէին Հայ ժողովրդի հանդէպ իրագործուած ոճրագործութիւնները, եւ կը բացառուէր արդէն տեղի ունեցած անլուր սարսափների որեւէ կրկնութիւն, մինչդեռ պայմանագիրը, հայերից նրանց հայրենիքի մեծագոյն մասը խլելով հանդերձ, չկասեցրեց թուրքերի հետագայ առաջխաղացումը, որոնք գրաւեցին նաեւ Կովկասեան Հայաստանի կէսից աւելին, իսկ այդ տարածքների աւելի քան 600,000 հայերը բնաջնջումից փրկուելու համար փախստական էին դարձել՝ իրենց ունեցուածքը մատնելով թուրքական կողոպուտին: «Հայ փախստականների հոսքը եւ նրանց մէջ մահացութիւնը օրէցօր աճում են, - նշուած էր ուղերձում, - հայերի սպանութիւններն ու կողոպտումը մեծ չափերով աճում են: Մահացողական բանդաները, քաջալերուած

Էին կատարում սովոր եւ համաճարակները: Միաժամանակ նշում էր, որ հայերը Բաքուից հեռացնում էին իրենց ընտանիքները:

թուրքերի ներկայութիւնից, անարգել իրագործում են իրենց անկարգութիւնները: Մեր ժողովրդի վերջին մնացորդը, մի ազգի, որը հարիւրամեակներ ի վեր Ասիայի դարպասների մօտ ներկայացրել է քրիստոնէական կրօնն ու եւրոպական մշակութիւնը, դատապարտուած է կործանման, եթէ նրան շատ շուտով օգնութիւն չցուցարբրուի: Օգնել կարող է միայն Գերմանիան: Այն բանից յետոյ, երբ կովկասեան Հայաստանը հուշակել է իր պետական անկախութիւնը, նա օգնութեան ակնկալիքով եւ վստահութեամբ լի դիմում է հզօր Գերմանիային եւ խնդրում է պաշտպանական միջամտութիւն՝ թուրքիային Բրեստի պայմանագրի պայմանները յարգել տալու, այդ կերպ կովկասեան հայերին թուրքիայի իրենց հայրենակիցներին վիճակուած ճակատագրից փրկելու՝ եւ նոր հայկական պետութեանը գոյատեւման ու անարգել զարգացման հնարաւորութիւն ընձեռելու համար»⁴:

Ուղերձում չորս կէտերով ներկայացուում էին նաեւ այն միջոցառումները, որոնց շուտափոյթ գործադրումը կը յանգեցնէր հարցի որոշակի կարգաւորման: Նախ անհրաժեշտ էր համարուում զօրամասեր ուղարկել Հայաստան՝ հայերին նոր յարձակումներից ու կոտորածներից պաշտպանելու, Հայ փախստականներին իրենց հայրենի բնակավայրերը վերադարձնելու, ինչպէս նաեւ թուրքերից հայկական տարածքների պատշաճ ազատումն ապահովելու եւ անդրադառնալով գերմանական ԱԳՆ այն տեղեկութեանը, որ Գերմանիան թուրքական կողմին դրդել էր փախստականների վերադարձի դէմ իր մերժողական կեցուածքից հրաժարուել, պատուիրակութիւնն ու-

ղերձում միաժամանակ ընդգծում էր, որ հայերը ոչ մի կերպ չէին համաձայնի վերադառնալ թուրքական ազդեցութեան շրջանները, քանի դեռ նրանց անվտանգութիւնը երաշխաւորուած չէր լինի: Քանի որ դա, ըստ ուղերձի հեղինակների, միայն գերմանական կամ աւստրո-հունգարական զօրամասերի առկայութեան դէպքում կարող էր իրականութիւն դառնալ, նրանք թախանձագին խնդրում էին հնարաւորինս շուտ զօրամասեր ուղարկել՝ նշելով, որ իւրաքանչիւր օր «անչափելի արեան հեղում» եւ նմանապէս «անչափելի ունեցուածքի կորուստ» էր նշանակում:

Ուղերձում մատնանշուող յաջորդ հրատապ միջոցառումը պէտք է լինէր մայրաքաղաք Երեւանում գերմանական դիւանագիտական ներկայացուցչի նշանակումը, որի ներկայութիւնը թուրքական շրջաններում հայկական կողմի դերքորոշումը շատ ազդեցիկ կը դարձնէր: Հանրապետութեան կառավարութիւնը խիստ ցանկալի էր համարում նաեւ գերմանական առեւտրական մի յանձնաժողովի կամ առեւտրական ներկայացուցչի առաքումը Հայաստան՝ յայտնելով իր պատրաստակամութիւնը Գերմանիային բամբակ եւ պղինձ մատակարարելու հարցում: Երրորդ կէտում մատնանշուած էր հայկական տարածքներից թուրքական զօրքերի դուրսբերման եւ Բրեստի պայմանագրով հաստատագրուած սահմանների վերականգնման անհրաժեշտութիւնը եւ զուգահեռաբար տեղեկացուած էր, որ քանի դեռ թուրքերը գրաւուած էին պահում հայկական տարածքները, խօսք լինել չէր կարող անդորրի, կարգ ու կանոնի հաստատման, ինչպէս նաեւ տնտեսական գործունէութեան ապահովութեան մասին, իսկ հայկական հանրապետութիւնը պետականութեան կառուցման ու ամրապնդման իր խնդիրների իրագործման համար համապատասխան ազատութիւն եւ հնարաւորութիւններ չէր ունենայ: Եւ վերջապէս,

4 Die Armenische Frage und der Genozid an den Armeniern, - Dokumente aus dem politischen Archiv des deutschen Auswärtigen Amts, zusammengestellt und eingeleitet von Prof. Dr. Wardges Mikaeljan, Jerewan 2004, էջ 568:

Թուարկուող միջոցառումների վերջին՝ չորրորդ կէտում ընդգծւում էր Գերմանիայի կողմից ՀՀ պետական անկախութեան ճանաչման անհրաժեշտութիւնը, ինչը արուել էր Թուրքիայի կողմից:⁵

Վերոնշեալ երկրորդ կէտի՝ Երեւանում Գերմանիայի ներկայացուցչի նշանակման առնչութեամբ պատուիրակութիւնը օգոստոսի 6-ին գերմանական Ա.Գ.Ն. ներկայացրեց նաեւ մի առանձին խնդրագիր, որտեղ մասնաւորապէս նշուում էր, որ Հայաստանի կառավարութիւնն իր նստավայրը Երեւան փոխադրելուց յետոյ պատուիրակութեանը յանձնարարել է խնդրել, որ Գերմանիան Երեւանում դիւանագիտական ներկայացուցիչ նշանակի, ինչպէս այդ տեղի էր ունեցել Թիֆլիսում: Ընդգծւում էր, որ նրա ներկայութիւնը ոչ միայն Թուրքերի մօտ Հայկական կողմի դիրքորոշումը խիստ ազդեցիկ կը դարձնէր, այլեւ Գերմանիայի Համար կը դիւրացնէր Հայաստանի իրադրութեան վերաբերեալ տեղեկութեան ստացումը, կը նպաստէր երթեկութեան կանոնաւորմանը եւ հումքի ձեռքբերմանը: Խնդրագրում վերստին Հաւաստուում էր, որ Հանրապետութեան կառավարութիւնն արդէն իսկ ի վիճակի էր Գերմանիային ու նրա դաշնակիցներին բամբակ եւ պղինձ մատակարարել, եւ որ Կոստանդնուպոլսի Հայկական պատուիրակութիւնն իր Հերթին պատրաստակամութիւն էր յայտնել այնտեղի գերմանական դեսպանին այդ մասին ընդարձակ տեղեկութիւններ ու փաստաթղթեր տրամադրել, եթէ պաշտօնական Գերմանիան նրան հրահանգէր զբաղուել այդ հարցով:⁶

Գերմանական թէ՛ քաղաքական եւ թէ՛ բարձրաստիճան զինուորական շրջաններն, անշուշտ, որոշակիօրէն դէմ էին Կովկասում Թուրքիայի ինքնիշխան քաղաքականութեանը եւ միւս կողմից Հասու էին այն

5 Նոյն տեղում, էջ 569:

6 Նոյն տեղում, էջ 569-570:

բարդութիւններին, որոնք Թուրքական կառավարութեան հայասպանդ քաղաքականութեան հետեւանքով կարող էին ի յայտ գալ ապագայ խաղաղութեան բանակցագործընթացում: Դեռ նախորդ ամիսներին գերմանական զինուորական հրամանատարութիւնը, Թուրքական կառավարութեանը նախազգուշացնելով Կովկասում Թուրքական զօրքերի առաջխաղացման եւ Թուրքական հայասպանդ քաղաքականութեան հնարաւոր հետեւանքներից՝ կոչ էր անում ճանաչել Բրեստի պայմանագրով Հաստատագրուած սահմանները: Իսկ առանձին բարձրաստիճան զինուորականներ, ինչպէս օրինակ գեներալ Ֆոն Լոսովը, գեներալ Ֆոն Կրեսը եւ այլն, հետեւողականօրէն պաշտպանում էին Թուրքիայի վրայ ազդու ճնշում գործադրելու միջոցով նրան Կովկասից դուրս մղելու տեսակէտը: Թուրքական կողմն իր Հերթին իր գործողութիւններն արդարացնելու համար որդեգրել էր զանազան ստայօղ «հիմնաւորումներ», իսկ եթէ առանձին Հարցերում դրանք եւս բացակայում էին, ապա առերես դաշնակցի պահանջների հետ համաձայնելու, բայց անվերջ ձգձգումներով ձախողելու մարտավարութիւնը: Հայկական խնդրի շուրջ երկու դաշնակիցների երկխօսութիւնը նոյն ուղեգրին ունէր նաեւ օգոստոսի առաջին օրերին:

Գերմանական բանակի գլխաւոր հրամանատար, Ֆելդմարշալ Ֆոն Հինդենբուրգը, որը յուլիսի 30-ին էնվերին դարձեալ մի հեռագիր էր ուղարկել՝ կոչ անելով փախստական Հայերին անյապաղ վերադարձի հնարաւորութիւն տալ, յուլիսի 31-ին գեներալ Ֆոն Ջեկտի միջոցով եւս մի հեռագիր ուղարկեց նրան, որտեղ տեղեկացնում էր, որ Ջուլֆայի ուղղութեամբ Թուրքական դիւիզիաների տեղաշարժերի վերաբերեալ տեղեկութիւններով Հաստատուում էր, որ այդ շրջաններում Հայերի հետ մարտեր էին տեղի ունենում: «Ես մեծ քաղաքական եւ նմանապէս մեծ ռազմա-

կան սխալ կը համարեմ,- նշում էր նա,- եթէ այդ մարտերը ռազմական տեսանկիւնից անպայմանօրէն անհրաժեշտ չափը գերազանցեն: Մենք ռազմական տեսակէտից նոյնպէս չենք կարող անտեսել այն մտահոգիչ տրամադրութիւնը, որն այդ մարտերի ընթացքում բնակիչների դէմ անկարգութիւնների հետեւանքով Անդրկովկասում ի յայտ կը գայ»:⁷

Շուտով՝ օգոստոսի 3-ին, Կոստանդնուպոլսի գերմանական դեսպան Բեռնշտորֆը Հինդենբուրգին ուղարկեց էնվերի գրաւոր պատասխանը: Վերջինս այնտեղ նշում էր, թէ ինքը Հայ փախստականների հարցով զբաղուող Թուրքական արտաքին գործերի նախարարութեանը տեղեկացրել էր, որ «ռազմական տեսանկիւնից» կարող էր ընդունելի համարել փախստականների վերադարձը դէպի Ալեքսանդրապոլ-Ջուլֆա երկաթգծից առնուազն 20 կմ հեռաւորութեան վրայ ընկած տարածքը, ինչպէս նաեւ այն շրջանները, որտեղ մուսուլմանների եւ Հայերի միջեւ մարտեր տեղի էին ունեցել, ընդ որում՝ յատկանշական է, որ նա այդ տարածքներից շեշտում էր մասնաւորապէս Բաթումի շրջանը: Էնվերը, այնուամենայնիւ, նշում էր, որ այդ մասին որոշում պէտք է կայացնէր 3-րդ բանակի գլխաւոր հրամանատարը: Ինքն անձամբ դեռ չէր կարող նաեւ որոշակիօրէն ասել, թէ արտգործնախարարութիւնը փախստականներին վերադարձի համար համապատասխան թոյլտուութիւն կը յատկացնէր, թէ ոչ, սակայն չէր թերանայ Հարցի կարգաւորումն արագացնել եւ արդիւնքների մասին տեղեկացնել Ֆելդմարշալին:

Չուտ Թուրքական այս պատասխանը համեմուած էր նաեւ մի ամբողջ շարք պակողմնորոշիչ տեղեկութիւններով, որոնք կրճատուել է 45,000-ով, որոնք բոլորը գոհ են դարձել Հայերի հետապնդումներին, քանի որ այդ շրջանում ռուսական զօրակոչ տեղի չի ունեցել: Այդ շրջանների մուսուլմանական ժողովուրդը անխուսափելիօ-

եւ Թուրքական կողմի հակահայկական գործողութիւնները: «Ես,- գրում էր էնվերը,- լիովին կիսելով Ձերդ Գերազանցութեան մտահոգութիւնները եւ համակուած Ձերդ Գերազանցութեան ցանկութիւններն իրագործելու մեծ բաղձանքով՝ ի ցաւ ինձ, ստիպողական ռազմական պատճառներով ի վիճակի չեմ թոյլատրել Հայերի վերադարձը ամբողջ ծաւալով եւ առանց սահմանափակումների: Ես խնդրում եմ այդ հարցի քննութեան ժամանակ նկատի առնել Հայերի հանդէպ մեր դրութիւնը: Բաքուի առջեւ, Ջուլֆայի եւ Ուրմիայի մօտ նրանք մեր դէմ մարտեր են մղում: Նրանց կապը անգլիացիների հետ ապացուցելի է: Այս դէպքում ժողովրդի եւ ռազմական հակառակորդի միջեւ որեւէ սահմանաբաժանում կատարելը հազիւ թէ հնարաւոր է, չնայած սկզբունքօրէն բնակչութեան դէմ պատերազմ չմղելու մեր ողջ պատրաստակամութեանը: Ձերդ Գերազանցութիւնը ինձնից պահանջում է կէս միլիոն մասամբ զինուած եւ թշնամաբար տրամադրուած բնակիչներին թոյլատրել անցնելու մեր կողմը բանակի թիկունքը, երբ որեւէ երաշխիք չի կարող տրուել, որ նրանք խաղաղ պահուածք կը ցուցաբերեն: Նրանք, այնուհանդերձ, ինչպէս նախկինում ռուսական, այնպէս էլ այժմ անգլիական վարձատրութեամբ դժուարութիւններ կը ստեղծեն մեր պատերազմական գործողութիւնների համար: Վերադառնալով այն շրջանները, որոնք Հարիւրամեակներ շարունակ տակնուվրայ են եղել Հին ազգային ատելութեան կողմից, նրանք նոր արիւնոտ կռիւների առիթ կը ստեղծեն: Ձերդ Գերազանցութեանը կը խնդրէի նկատի առնել, որ վերջին մարդահամարից յետոյ միայն Կարսի շրջանում մուսուլման բնակիչների թիւը կրճատուել է 45,000-ով, որոնք բոլորը գոհ են դարձել Հայերի հետապնդումներին, քանի որ այդ շրջանում ռուսական զօրակոչ տեղի չի ունեցել: Այդ շրջանների մուսուլմանական ժողովուրդը անխուսափելիօ-

7 Deutschland und Armenien 1914-1918..., էջ 416:

խառնուք էր տարուում՝ գերմանական կառավարութեանը թուրքական ապակողմնորոշիչ տեղեկատուութեան ազդեցութիւնից զերծ պահելու համար: Ընդ որում, հարկ է ընդգծել, որ այդ հարցում հայկական կողմը բացարձակապէս միայնակ էր եւ, մասնաւորապէս, ի դէմս Թիֆլիսում Գերմանիայի պաշտօնական ներկայացուցիչ գեներալ Ֆոն Կրեսսի, ունէր գործուն եւ եռանդուն աջակից:

Փոն Կրեսսը յուլիսի 30-ին բարոն Ֆրանկենշտայնի եւ իր շտաբի մի շարք աշխատողների հետ Թիֆլիսից Ալեքսանդրապոլով մեկնեց Երեւան, նաեւ էջմիածին¹¹ հանդիպումներ ունենալով ինչպէս կառավարութեան, այնպէս էլ կաթողիկոսի հետ¹²: Նա եւ իր պատուիրակութիւնը նաեւ հրաւէր ստացան մասնակցելու օգոստոսի 1-ին Երեւանում պառլամենտի բացման հանդիսաւոր արարողութեանը: Փոն Կրեսսը, սակայն, նպատակայարմար գտաւ հրաժարուել անձամբ այդ արարողութեանը մասնակցելուց, քանի որ, չնայած հայերի համար Գերմանիայի օգնութիւնն ա-

պահովելու նրա գործադրած բոլոր հետեւողական ջանքերին, դրանք դեռ հականարդիւնքներ չէին տուել, եւ նա իրաւացիօրէն այն մտավախութիւնն ունէր, որ իր մասնակցութիւնը հայերի մէջ անիրագործելի յոյսեր կ'արթնացնէր Գերմանիայի աջակցութեան վերաբերեալ: Բացի այդ, Ադրբեջանի եւ Վրաստանի միջեւ ստեղծուած նոր լարուածութիւնը նոյնպէս նրան հարկադրում էր շուտափոյթ վերադառնալ, ուստի նա եւ իր պատուիրակութեան անդամները, բացառութեամբ բարոն Ֆրանկենշտայնի, որն այդ օրը արարողութեանը մասնակցելու համար մնաց Երեւանում, յուլիսի 31-ի երեկոյեան վերադարձան Թիֆլիս:¹³

13 «Ես չկարողացայ Երեւանում իմ մնալը երկարաձգելու որոշում կայացնել,- գրում էր այդ առթիւ գեներալը,- քանի որ մի կողմից Ադրբեջանի եւ Վրաստանի միջեւ ներկայումս գոյութիւն ունեցող լարուածութիւնը շատ ցանկալի էր դարձնում իմ շուտափոյթ վերադարձը Թիֆլիս, եւ մի կողմից, քանի որ ես երկիւղ էի կրում, որ պառլամենտի բացման կարեւոր միջոցաւորումը իմ մասնակցութիւնը հայերի մօտ Գերմանիայի աջակցութեան՝ ոչ իրագործելի յոյսեր կ'արթնացնէր: Եթէ ես մոյմիսկ Բեռլինից վերադարձած հայ պատուիրակներից որոշ բաներ լսել եմ հայկական հարցի վերաբերեալ արտգործախարարութեան դիրքորոշման մասին, սակայն այնքան քիչ իրազեկութիւն ունեմ գերմանական կառավարութեան մտադրութիւնների մասին, որ անհրաժեշտ համարեցի զպառլամենտին ցուցաբերել» (տե՛ս *Deutschland und Armenien 1914-1918...*, էջ 423): Ինչ վերաբերում է բարոն Ֆրանկենշտայնին, ապա նա, արարողութիւնից յետոյ վերադառնալով Թիֆլիս, այդ մասին մի գեկուցազիր պատրաստեց եւ այն օգոստոսի 4-ին ուղարկեց Աւստրո-Հունգարիայի արտգործախարար իշխան Ստեֆան Բուրիանին (տե՛ս մոյմ տեղում, էջ 421-422): Այն հանգամանքը, որ գեկուցազիրն ուղարկուեց ոչ թէ գերմանական, այլ աստրո-հունգարական կառավարութեանը, ամենայն հաւանականութեամբ, թելադրուած էր այն հետամկարով, որ Հայաստանի Հանրապետութիւնը կարող էր դառնալ Աւստրո-Հունգարիայի ազդեցութեան գօտի՝ ստանալով նրա պաշտպանութիւնը:

11 Փոն Կրեսսը, ինչպէս հաղորդում էր նրա՝ օգոստոսի 5-ի տեղեկագրում, Երեւան էր մեկնել Հայաստանի կառավարութեանը ներկայանալու պաշտօնական նպատակով:

12 Ըստ փաշան, իր նախնական յանձնարարութեան համաձայն, հոգ էր տարել, որ նրանք առանց որեւէ բարդութեան անցնէին թուրքերի կողմից գրաւուած տարածքով: Յուլիսի 30-ի երեկոյեան, երբ նրանք հասան Երեւան, քաղաքագլխի կողմից հրաւիրուեցին ճաշի: Յաջորդ օրը առաւօտեան հանդիպումներ ունեցան նախարարների եւ Ազգային խորհրդի նախագահի հետ, իսկ այնուհետեւ մեկնեցին Էջմիածին, որտեղ նրանք ընդունեց կաթողիկոսը: Կէսօրից փոքր-ինչ անց վարչապետն ու Ազգային խորհրդի նախագահը նրանց հետ բաւական երկարատեւ գաղտնի գրոյց ունեցան, այնուհետեւ ի պատիւ հիւրերի համարապետութեան բարձրաստիճան անձանց մասնակցութեամբ կազմակերպուեց ճաշկերոյթ, որից յետոյ, մոյմ օրը երեկոյեան նրանք, բացառութեամբ բարոն Ֆրանկենշտայնի, վերադարձան Թիֆլիս (տե՛ս *Deutschland und Armenien 1914-1918...*, էջ 423):

Վերադարձից յետոյ, դեռ նախքան իր հիմնական տեղեկագրի պատրաստումը, գեներալը օգոստոսի 4-ին կանցլեր իշխան Ֆոն Հերտլինգին ուղարկեց մի հեռագիր, որտեղ միանշանակօրէն հերքելով փախստականների անվերապահ վերադարձի վերաբերեալ էնվերի պատճառաբանութիւնները, միաժամանակ ընդգծում էր, թէ իր այցելութիւնը, դիտարկումներն ու զրոյցները կրկին փաստում էին, որ միայն կենտրոնական տերութիւնների շուտափոյթ օգնութեան դէպքում Հայաստանը կարող էր փրկուել կործանումից¹⁴: «Ներկայիս փոքրիկ Հայաստանը չի կարող մինչեւ իսկ իր տեղացի բնակչութեանը կերակրել, ուր մնաց թէ հիմա այնտեղ գտնուող երեքից հինգ հարիւր հազար փախստականներին...,- գրում էր գեներալը: Փախստականների ծանր դրութիւնը, կառավարութեան կամքին հակառակ, տեւականօրէն յանգեցնում է բանդանների ձեւաւորմանը եւ այդպիսով թուրքերի հետ նոր խառնակութիւններին: Հայաստանը թուրքերի կողմից ամբողջովին մեկուսացուած է: Նրանք արգելում են ցանկացած առեւտուր եւ երթեւեկութիւն, թաթար եւ պարսիկ բնակչութեանը դրդում են գաղթել, այնպէս որ հայկական կառավարութիւնը երկիւղ է կրում, որ կը յարձակուեն Երեւանի վրայ: Թուրքերը նաեւ այստեղ չեն պահպանել Բաթումի խաղաղութեան պայմանագրի պայմանները եւ գրաւուած են պահում Բաթումի սահմանից այն կողմ գտնուող կարեւոր տարածքներ¹⁵: Հայաստանը կարող է կենսունակ դառնալ միայն Բրեստ-Լիտովսկի սահմաններով, առանց թուրքերի կողմից ցանկացուող սահմանային ուղղումների, որոնց դէպքում թուր-

քիային կը յանձնուեն տնտեսապէս հէնց ամենակարեւոր շրջանները»¹⁶:

Փոն Կրեսսը միաժամանակ ընդգծում էր, որ ներկայումս արտադրանք տալու ունակ շրջանները գրեթէ ամբողջովին գրաւուած էին թուրքերի կողմից, որոնք մեծ քանակութեամբ բամբակի պաշարներ էին արտահանում, ընդ որում՝ բերքի մի մասը հաւաքում էին թուրքերը, իսկ միւս մասը ոչնչանում էր: Նա յոյժ կարեւոր էր համարում, որ երկաթուղու՝ մինչեւ Նախիջեւան ձգուող հատուածը «անպայմանօրէն» յանձնուէր հայերին, իսկ թուրքերին կարելի էր թոյլատրել դրանով զինուորական ուժեր տեղափոխել, ինչպէս դա տեղի էր ունենում Վրաստանում: Ինչ վերաբերում էր էնվերի կողմից ներկայացուած վերոնշեալ պատճառաբանութեանը, որ եթէ թուրքական զօրքերը ետ քաշուէին դէպի Բաթումի սահմանը, ապա Հայաստանի եւ Վրաստանի միջեւ պատերազմ կը ծագէր, ֆոն Կրեսսն իր հեռագրում միանշանակօրէն հերքում էր: «Հայերը,- նշում էր գեներալը,- ինչպէս ես, որոշակիօրէն ժխտում են այն պնդումը, որ եթէ թուրքերը քաշուեն դէպի Բաթումի սահմանները, երկու պետութիւնների միջեւ պատերազմ կը բռնկուի: Էնվերի հակառակ պնդումը միայն պատրուակ է, պայմանագրին հակառակ, գրաւուած երկրի ամբողջական աւերման ու կողոպտման նպատակով ժամանակ շահելու համար: Թուրքերը դարձեալ նակ շահելու համար: Թուրքերը դարձեալ ուզում են Ադրբեջանից ներխուժել գոտոհայկական՝ Ղարաբաղի շրջանը եւ այն զինաթափել: Եթէ մենք նրանց դա չարգելենք, ապա մահմեդականների դէմ ինքնապաշտպանուող լեռնաբնակների նոր կռիւներն անխուսափելի կդառնան...»¹⁷:

Յատկանշական է նաեւ, որ գեներալը հեռագրում կանցլերին դարձեալ յիշեց-

14 Էնվերի հեռագիրն ակնյայտօրէն դեսպանի կամ Հիմդեթբուրգի կողմից ուղարկուել էր նաեւ նրան:

15 Բաթումի հաշտութեան պայմանագրի մասին տե՛ս Կարապետեան Մ. Ս., *Հայաստանը 1912-1920 թուականներին*, Երեւան, 2003, էջ 236-240:

16 *Deutschland und Armenien 1914-1918...*, էջ 420-421:

17 Նոյն տեղում, էջ 421:

վի երբեք չէին յանձնի իրենց զէնքերը: Իսկ եթէ յանկարծ թուրքերը, հակառակ իր նախազգուշացումներին, փորձէին այնտեղ զինաթափում իրականացնել, ապա թէժ կռիւներ թուրքերը, յարակից բոլոր հետեւանքներով հանդերձ, անխուսափելի կը լինէր: Այդ հետեւանքները նաեւ զուտ ռազմական տեսանկիւնից վնասաբեր կը լինէին, քանի որ Ղարաբաղում լեռնային պատերազմ սկսելով թուրքերը այնտեղ երկար ժամանակով ստիպուած կը լինէին մեծ քանակութեամբ ուժեր պահել, եթէ հայերին սովը չյաղթէր: Ընդ որում, ուշագրաւ է, որ Ֆոն Կրեսն, այդ առումով վերստին ընդգծելով Հայաստանի կառավարութեան խաղաղասիրական դիրքորոշումը եւ սաղրանքների չենթարկուելու հաստատականութիւնը, հարկ էր համարում մատնանշել, որ վերջինս ողջ ժողովրդի հետ միասին պատրաստ էր մինչեւ վերջին մարդը կռուել, եթէ թուրքերը նոր յարձակում ձեռնարկէին իրենց երկրի վրայ: Գեներալն այդ կերպ որոշակիօրէն ակնարկում էր, որ դա կարող էր տեղի ունենալ նաեւ Ղարաբաղի հայութեան վրայ թուրքերի կողմից յարձակում ձեռնարկելու դէպքում:

Ֆոն Կրեսը միաժամանակ տալիս էր հանգամանակից պարզաբանումներ Հայաստանի Հանրապետութեան ներքին իրադրութեան մասին, որտեղ 750,000 տեղացի բնակիչները եւ 300,000-500,000 փախստականները սովամահութեան էին դատապարտուած եւ «ձեռքերը կապուած վիճակում» դիտում էին, թէ թուրքերի կողմից գրաւուած շրջաններում ինչպէս էր բերքը տեղափոխուում կամ պարզապէս փչանում: Եթէ Գերմանիան եւ Աւստրո-Հունգարիան լրջօրէն մտադիր էին հայերին բնաջնջումից փրկել, ապա նրանց պէտք է նաեւ այնքան տարածք տրամադրէին, որը գոնէ կ'ապահովէր սննդի կարիքների մեծ մասը, իսկ ընթացիկ տարում, բոլոր դէպքերում երկու դաշնակիցները

հայերին պէտք է մատակարարէին բաւականաչափ հացահատիկ: Այդ դէպքում միայն համընդհանուր աղէտը կը կանխուէր: Գեներալը, նկատի առնելով այն հանգամանքը, որ թուրքերը, չնայած գերմանական կողմի առարկութիւններին, թողել էին, որ հայկական բերքը փչանար, նաեւ առաջարկում էր Հայ ժողովրդի գոյատեւման համար անհրաժեշտ հացահատիկը վերցնել այն պաշարներից, որոնք թուրքերը ստանալու էին Ուկրաինայից կամ Ռումինիայից: Շուտով կը սկսուէին ցրտերը, նշում էր Ֆոն Կրեսը, եւ եթէ մինչ այդ փախստականներին ազդեցիկ օգնութիւն չցուցաբերուէր, կամ նրանց չթոյլատրուէր վերադառնալ իրենց հայրենիքը, ապա սովը եւ սառնամանիքը նրանց կ'ոչնչացնէին:

Յատկանշական է, որ տեղեկագիրը ոչ միայն իրադրութեան համակողմանի, փաստացի լուսաբանում էր, այլեւ գերմանական կառավարութեանն ուղղուած մի ազդու կոչ: «Էնվերի այն պնդումները, թէ թուրքերը ստիպուած էին գրաւել Ալեքսանդրապոլի, Ղարաքիլիսայի եւ միւս շրջանները՝ հայերի եւ վրացիների միջեւ բախումները կանխելու համար, յօրինուածք է, որի նպատակն է այստեղի իրադրութեանն անտեղեկներին խաբել եւ շահել այնքան ժամանակ, որ այդ շրջաններից բերքը տեղափոխուի, եւ այդ տարածքներն ամբողջովին կողոպտուեն: Ես առնուազն չեմ կարող պատկերացնել, որ գերմանական կայսրութիւնը կարող է հանգիստ դիտել, թէ ինչպէս են մահմեդականները մի քրիստոնեայ ժողովրդի սովամահութեան մատնել...: Եթէ Կոստանդնուպոլսի համաժողովը դեռ երկար իրեն սպասել տայ, բազմահազար մարդիկ կը դատապարտուեն մահուան, եւ ոչ միայն Արեւելքում հասարակական կարծիքը, այլեւ պատմութիւնը Գերմանիային պատասխանատու կը դարձնեն Հայ ժողովրդի հետագայ բնաջնջման համար: Հաւատը քա-

ռեակ միութիւնում Գերմանիայի ղեկավար դերի վերաբերեալ, ինչպէս եւ բազմիցս իմ պարտքն եմ համարել տեղեկացնել, արդէն սասանուած է: Այն ամբողջովին կը վերանայ, եթէ մենք ի վիճակի չլինենք հայերին ոչնչացումից պաշտպանել: Արեւելքում մեր հեղինակութիւնը եւ մեր ազդեցութիւնն այդ դէպքում ի նպաստ թուրքերի զգալի վնաս կը կրեն: Այն հարցին, թէ ինչ պէտք է կատարուի Հայաստանը կենսունակ դարձնելու եւ կենտրոնական տէրութիւններից մէկի վրայ յենուելով՝ ինքնուրոյն գոյութիւն վարելու համար, ես կը կամենայի պատասխանել՝ ասելով, որ Հայաստանը պէտք է ստանայ Բրեստ-Լիտուսկի պայմանագրի սահմանները, բայց ստանալով թուրքերի համար նրանց կողմից ցանկացող սահմանային շտկումները, քանի որ այդ սահմանային շտկումները Հայաստանից կը խլեն հէնց իր լաւագոյն սահմանային շրջանները: Դա միաժամանակ համապատասխանում է մեր սեփական շահերին, քանի որ եթէ այդ շրջանները թողնուեն թուրքերին, ապա դրանց արտադրանքը գործարարութեան մէջ թուրքերի անպիտանութեան հետեւանքով իսթեքների անպիտանութեան հետեւանական կոյնեւեթ անկում կ'ապրի եւ գերմանական շուկայի համար կորած կը լինի: Ոռոգման ցանցի համապատասխան ընդլայնման, անհրաժեշտ մեքենաների ներկրման դէպքում հայերը այդ բերրի տարածքներից մեծագոյն, բամբակի, բրնձի, գինու, կոմետաքսի, բամբակի, բրնձի, հաւանօրէն նեակի, սպիրտի եւ պտղի, հաւանօրէն նաեւ հանքագործական արտադրանքի հարուստ բերք կը հաւաքեն, բայց թուրքերը՝ երբեք»²³:

Ուշագրաւ է, որ Ֆոն Կրեսն իր տեղեկագրում Բրեստի պայմանագրով սահմանափակում Բրեստի պայմանագրով սահմանափակում Հայաստանի տնտեսական նշանաբանը:

նակութիւնն էլ աւելի ակնառու դարձնելու համար հաղորդում էր մինչեւ իսկ որոշակի թուական տուեալներ այդ տարածքի տնտեսական շահութաբերութեան մասին՝ միաժամանակ կատարելով ուղղակի համեմատութիւն Հայաստանի Հանրապետութեան ներկայ, փաստացի տարածքի հետ: Բրեստի պայմանագրի սահմաններում գտնուող Հայաստանը, ըստ այդմ, կարող էր տարեկան արտադրել 1 միլիոն փութ²⁴ բամբակ, 40% թնդութիւն ունեցող 130,000 եւ 96% թնդութիւն ունեցող 100,000 դոյլ²⁵ սպիրտ, 90,000 դոյլ բարձրորակ կոնեակ, 4 միլիոն դոյլ գինի, որի 75%-ը կարող էր խաղաղութեան ժամանակ արտահանուել շատ էժան գնով, 500,000 փութ բրնձ, որի շուրջ կէսը խաղաղութեան ժամանակ կարող էր արտահանուել, ինչպէս նաեւ՝ 100,000 փութ լաւագոյն՝ որակի մետաքսաբոժոժներ, մինչդեռ Հայաստանի Հանրապետութեան առկայ տարածքում բամբակ գրեթէ չէր կալայ տարածքում, միանգամայն բացառող արտադրուել, միանգամայն բացառուած էր նաեւ բրնձի եւ մետաքսաբոժոժների արտադրութիւնը: Լաւագոյն դէպքում այնտեղ կ'արտադրուէր միայն 30,000 դոյլ 40% թնդութիւն ունեցող եւ 15,000 դոյլ 96% թնդութիւն ունեցող սպիրտ, 15,000 դոյլ բարձրորակ կոնեակ եւ 80,000 դոյլ գինի:

Այդ ամէնով հանդերձ, Ֆոն Կրեսն ամենեւին չէր նսեմացնում նաեւ այն իրական տնտեսական հնարաւորութիւնները, որ ունէր առկայ հանրապետութիւնը, եւ որոնք կարող էին արդիւնաւորուել, եթէ այնտեղ ազատ տեղաշարժման եւ տնտեսական գործունէութեան հնարաւորութիւն ստեղծուէր: Ընդգծելով, որ ոռոգման եւ էլեկտրաէներգիայի արտադրութեան նպատակներով Սեւանայ լճի ջրի օգտագործու-

23 Revidierte Ausgabe der von Johannes Lepsius 1919 unter dem Titel "Deutschland und Armenien" herausgegebenen Sammlung diplomatischer Aktenstücke, zusammengestellt und eingeleitet von Wolfgang Gust. Թիւ 426 փաստաթուղթը:

24 1 փութը համապատասխանում է 16,38 կգ-ին:
25 Նկատի ունի հիմ ռուսական Wedro չափման միաւորը, որը կազմում է 12,3 լիտր:

մը Հայաստանի Հանրապետութեանը զարգացման լայն հնարաւորութիւններ էր ընձեռում՝ նա արտայայտում էր այն համոզումը, որ «գործարար, նախաձեռնող» եւ որոշակի կապիտալ ունեցող հայերը երկրում մեծ գործունէութիւն կը ծաւալէին, եթէ նրանց համապատասխան քաղաքական եւ տնտեսական հնարաւորութիւն ընձեռուէր: Այդ առումով նա խիստ կարեւոր էր համարում, որ Ղարաքիլիսա-Ալեքսանդրապոլ-Ջուլֆա-Թաւրիզ երկաթուղին տրուէր հայերին²⁶, իսկ եթէ այդ երկաթուղին մնար թուրքերի ձեռքում, ապա Հայաստանը պարզապէս կը դատապարտուէր «տնտեսական մահուան»: Այդ պարագայում ոչ միայն թուրքերն էին վիճակի չէր լինի երկաթուղու հնարաւորութիւններն ինչպէս հարկն է օգտագործել եւ այն պատշաճ կերպով պահպանել, այլեւ թուրքական իշխանութիւնները կռուի զանազան պատրուակներով հայերին կը զրկէին երկաթուղու տնտեսական օգտագործման հնարաւորութիւնից²⁷:

Այն հանգամանքը, որ գերմանական բարձրաստիճան ռազմաքաղաքական գործիչն էր այդքան մանրամասն կերպով լուսաբանում համեմատաբար մեծ, կենսունակ Հայաստանի տնտեսական օգտակարութիւնը Գերմանիայի համար, Հայաստանի Հանրապետութեան եւ Գերմանիայի փոխարարութիւններում դեռեւս իր նախադէպը չունէր, եւ այս տեղեկագիրը դրա առաջին փաստացի օրինակն էր: Անկասկած, հարցադրումն այդ կերպ գերմանական կառավարութեան համար աւելի համոզիչ պէտք է դառնար, իսկ Հետեւութիւններ կատարելը՝ աւելի դիւրին: Գեներալն, այսպիսով, գործադրում էր իր բոլոր ջանքերը՝ գերմանական կառավարու-

թեանն ի նպաստ հայերի գործուն քայլերի մղելու: Համար՝ հանգամանակից պարզաբանելով դրա թէ՛ քաղաքական, թէ՛ տնտեսական եւ թէ՛ բարոյական կարեւոր նշանակութիւնը Գերմանիայի համար: Ընդ որում՝ նա այդ անում էր՝ վճռականօրէն հերքելով նաեւ դիպուածաբար իրեն յայտնի դարձող այլ դիրքորոշումներն ու տեսակէտները²⁸:

Օգոստոսի 12-ին Ֆոն Կրեսը մի նոր հեռագիր ուղարկեց արտգործնախարարութեանը, որտեղ, մերկացնելով էնվերի վերոյիշեալ պատասխանում առկայ դեմագոգիան ու կեղծիքները, նա նորից ընդգծում էր հայ փախստականներին օր առաջ իրենց հայրենի բնակավայրերը վերադարձնելու կարեւորութիւնը: «էնվերի պատասխանը յենում է կեղծ փաստարկների վրայ, գրում էր գեներալը: Խօսքը վերաբերում է ոչ թէ նրան, որ հայերն իրաւունք ունենան տեղափոխուել Ալեքսանդրապոլ-

28 Հայաստանի վարչապետն, օրինակ, ֆոն Կրեսի հետ ունեցած գաղտնի զրոյցի ժամանակ նրան ներկայացրել էր Կոստանդնուպոլսում գտնուող՝ Հայաստանի ներկայացուցչի այն տեղեկութիւնը, որ Կոստանդնուպոլսի գերմանական դեսպան Բեռնշտորֆը փորձում էր համաժողովի հրապարակել ձգձգել եւ նաեւ խոչընդոտել, որ Հայաստանը աստիճանաբար շահերի ոլորտ դառնար՝ գրաւուելով աստիճանաբար հարկաւորութիւններով կողմից: «...Առանց իմանալու այն դրդապատճառները, որոնք պարոն դեսպանին իր դիրքորոշման համար առիթ են ծառայել, գրում էր այդ առնչութեամբ գեներալը, եւ կ'ուզենայի իմ տեսակէտից ընդգծել, որ Կովկասում իրադրութիւնը հրամայաբար պահանջում է համաժողովի շուտափոյթ հրապարակելու առկայի հարցերի, յատկապէս՝ սահմանների կարգաւորման ամենամօտակայ լուծում: Չկայ մի օր, երբ սահմանային միջադէպեր ի յայտ չգան, որոնց պատճառն այն է, որ սահմանները դեռ որոշում չեն: Այդ միջադէպերը կովկասեան պետութիւնների միջեւ արտակարգ գրգռածութիւն են ստեղծում, եւ մարդիկ արդէն սկսում են կասկած տածել առ այն, որ կենտրոնական տերութիւնները կովկասեան պետութիւնների հանդէպ իրենց խոստումներին լրջօրէն են վերաբերում»: Նոյն տեղում:

26 Այդ դէպքում, ըստ ֆոն Կրեսի, Հայաստանում եւս, ինչպէս Վրաստանում, թուրքերին կարող էր հնարաւորութիւն տրուել երկաթուղով կատարել իրենց ռազմական փոխադրումները:

27 Նոյն տեղում:

Ջուլֆայից արեւելք ընկած տարածքը, այլ նրան, որ այնտեղ կուտակուած, սովից յուսահատութեան մատնուած հայերը երկաթուղով կարողանան վերադառնալ արեւմուտք, եւ որ ամբողջ տարածքը մինչեւ Բրեստի սահմանը Հայաստանի Հանրապետութեանը վերադարձուի փախստականների բնակեցման համար: Հայերին որոշ շրջաններ, զորօրինակ՝ Բաթում վերադառնալու վերաբերեալ սկզբունքօրէն յատկացուած թոյլտուութեան իրագործումը խոչընդոտուած է նրանով, որ էսադ փաշան իւրաքանչիւր հայի համար գրաւոր դիմում է պահանջում եւ այդ դիմումներն ընթացք չի տալիս: Այստեղի թուրքական ներկայացուցչի տուեալներով էսադ փաշայի մօտ պէտք է շաբաթներ ի վեր աւելի քան 1200 ընթացք չստացած դիմումներ լինեն»²⁹:

Ֆոն Կրեսը, դարձեալ նկատի ունենալով էնվերի կողմից բերուած մտացածին փաստարկները, միաժամանակ հաւաստիացնում էր, որ հայկական կառավարութիւնը թուրքերի հետ խաղաղ յարաբերութիւնների կողմնակից էր եւ նաեւ դրա կարիքն ունէր: Այն մինչեւ իսկ երկրից արտաքսել էր զինուած խմբաւորման առաջնորդին³⁰, նրա համախոհների մի մասին ձերբակալել, իսկ Ջուլֆայի, Բաքուի եւ Ուրմիայի մօտ գործող զինուած խմբերի պարագայում խօսքը վերաբերում էր մեծ մասամբ նախկին թուրքահայերին, որոնք ամէն բան կորցրել էին եւ այդ պատճառով շարունակում էին կռուել: Իսկ ինչ վերաբերում էր էնվերի այն պնդմանը, թէ հայերի վերադարձի դէպքում թուրքական կռուող բանակի համար իբրեւ թէ անպաստ իրադրութիւն կը ստեղծուէր, գեներալը մատնանշում էր, որ թիկունքի հետ թուրքական բանակի կապը կարող էր

յանձնուել աւստրիացիների եւ գերմանացիների պաշտպանութեանը: «Հայաստանի Հանրապետութեան փոքրիկ տարածքի վրայ սովամահութեան մատնուած հարիւր հազարաւոր փախստականների կուտակումը, գրում էր գեներալը, անկասկած աւելի մեծ վտանգ է նշանակում, քան երկրում նրանց տեղաբաշխումը»³¹:

Ֆոն Կրեսի՝ ինչպէս վերոնշեալ տեղեկագիրն, այնպէս էլ յիշատակուած միւս հեռագրերը բաւական լայն կերպով շրջանառուեցին Գերմանիայի ղեկավար շրջանակներում: Կանցլերին ուղարկուած տեղեկագիրը ստացաւ նաեւ արտաքին գործերի նախարարութիւնը, որի պետքարտուղարի տեղակալ Բուշէն իր հերթին նրա մի հատուածը, որտեղ նաեւ ընդգծում էր, որ Հայաստանը միայն կենտրոնական տերութիւնների շուտափոյթ օգնութեան դէպքում կործանումից կը փրկուէր, ուղարկեց գերմանական ռազմական գլխաւոր շտաբի պետ բարոն Ֆոն Բերկհայմին³²: Իսկ Ֆոն Կրեսի՝ օգոստոսի 12-ի հեռագիրը արտգործնախարարութեան պետքարտուղար Ֆոն Հինթցեն օգոստոսի 22-ին ուղարկեց նաեւ Կոստանդնուպոլսի դեսպան Բեռնշտորֆին՝ նրան յանձնարարելով Բ. Դոան ուղարկութիւնը հրաւիրել այն փաստի վրայ, որ դէպի որոշ շրջաններ հայ փախստականների վերադարձը թոյլատրելու նրա մտադրութիւնը էսադ փաշայի կողմից ձախողման էր ենթարկուած: Դեսպանին միաժամանակ յանձնարարուած էր թուրքական կառավարութեանը խնդրել մէկ անգամ եւս կշռադատել, թէ արդեօք

31 Նոյն տեղում:
32 Die Armenische Frage..., էջ 572-573: Գեներալ ֆոն Կրեսը թուրքական կողմին որոշակի զիջումներ պարտադրելու համար յաճախ սեփական նախաձեռնութեամբ արգելում էր նրանց կովկասեան երկաթուղագծերն օգտագործել: Տե՛ս Գոստով Բեռնշտորֆի օգոստոսի 6-ի հեռագիրը: Revidierte Ausgabe..., թիւ 427 փաստաթուղթը:

29 Նոյն տեղում, թիւ 432 փաստաթուղթը:
30 Խօսքն, անկասկած, վերաբերում է Անդրանիկին:

մինչև Բրեստի սահմանն ընկած ամբողջ տարածքը վերագրվածող հայերի առջև բացելը առկա մեծ կարևորությունն էր, քան դրա արգելումը: Դեսպանին հրահանգում էր առժամանակ Բ. Դուանը չյայտնել թուրքական բանակի յետագրված կապը գերմանացիների եւ աստորոհունգարացիների պաշտպանութեան տակ վերցնելու՝ Ֆոն Կրեստի արտայայտած նկատման մասին³³:

Փոն Կրեստի եւ Հայաստանի Հանրապետութեան կողմից գերմանական կառավարութեանը ներկայացուող տեղեկագրերը, կոչերն ու խնդրագրերը իրենց բնույթով, հարցերի ընդգրկումով եւ բովանդակութեամբ այնպիսին էին, որ Գերմանիան կարծես թէ՛ էլ աւելի պէտք է յստակեցնէր իր դիրքորոշումը հայկական խնդրի առնչութեամբ՝ իր թուրք դաշնակցին պարտադրելով ճանաչել Բրեստի կամ առնուազն Բաթումի պայմանագրով նախանշուած սահմանները, ինչպէս եւ հայ փախստականներին անվերապահօրէն վերադարձի Հնարաւորութիւն տալ: Գերմանա-թուրքական յարաբերութիւններում ինչպէս հայկական, այնպէս էլ կովկասեան այլ խնդիրների հետեւանքով առաջացած լարուածութիւնը այդպիսով կը հասնէր նաեւ իր՝ քիչ թէ՛ շատ արդիւնաւէտ հանգուցակէտին: Պաշտօնական Գերմանիան, սակայն, հակուած էր ցուցաբերել այդ վճռականութիւնը, եւ յատկանշական է, որ մասնաւորապէս հայկական խնդրի առնչութեամբ Գերմանիայի քաղաքական դեկավարութեան ցուցաբերած ձեռնպահ եւ հանդուրժողական դիրքորոշմանը զգալիօրէն նպաստում էր Կոստանդնուպոլսի դեսպան Բեռնշտորֆը, որի վերաբերեալ Ֆոն Կրեստի արտայայտած վերոնշեալ տեսակէտը միանգամայն համապատասխանում էր իրականութեանը: Դրա ցայտուն վկայութիւնն էր, օրինակ, օգոստոսի 5-ին դեսպա-

նի կողմից արտգործնախարարութեանն ուղարկուած հեռագիրը, որտեղ նա նշում էր, որ թուրքիայի հետ բոլոր վիճելի հարցերը անհրաժեշտ էր յետաձգել մինչև պատերազմի աւարտը, եւ որ նա անձամբ քաղաքական ու ռազմական մեծ յաջողութիւն կը համարէր, եթէ Գերմանիան թուրքիային կարողանար մինչև պատերազմի վերջը պահել իր կողքին եւ նաեւ օգնէր, որ վերջինս պատերազմից հնարաւորինս անվնաս եւ նուազագոյն կորուստներով դուրս գար, քանի որ, ըստ դեսպանի, այլապէս Գերմանիայի հեղինակութիւնը թուրքիայում կը տապալուէր: Ըստ դեսպանի՝ մեծ դժուարութեամբ էր իրեն եւ գեներալ Ֆոն Ջեկտին յաջողուել թուրքիային համոզել, որ այն իր կովկասեան գործողութիւնների ժամանակ Ռուսաստանի, ինչպէս նաեւ Վրաստանի հետ հաշուի նստէր: Թուրքական կառավարութիւնը դրան համաձայնել էր, քանի որ նա դեռ էր ուզում խզել կապերը Գերմանիայի հետ, մինչդեռ, Վրաստան ներխուժելով, հարկադրուած կը լինէր պայքարել գերմանական զինուած ուժերի դէմ: Թուրքիայի զինուորականութիւնը դրանով, ըստ դեսպանի, հասել էր իր վերջնասահմանին, եւ նրան աւելին հնարաւոր չէր պարտադրել:

Բեռնշտորֆն անգամ փորձում էր կառավարութեանը հաշտեցնել այն մտքի հետ, որ թուրքիան մինչև իսկ Բրեստի պայմանագրով ամրագրուած սահմանների ճանաչումը խոստանալու դէպքում կարող էր այն չկատարել: «Եթէ նոյնիսկ նրանք մեզ խոստանան ընդհանուր առմամբ ետ քաշուել մինչև Բրեստ-Լիտովսկի սահմանը, գրում էր նա, նրանք կովկասեան տարածքում իշխող լիարժէք անարխիայի պարագայում հեշտութեամբ պատրուակ կը գտնեն հայերի հետ այդուհետ էլ կռուելու եւ իրենց խոստումը չկատարելու համար: Փելզմարշալ Ֆոն Հինդենբուրգին ուղղուած՝ էնվեր փաշայի վերջին հեռագիրը այդ հարցում կասկած չի թողնում:

33 Նոյն տեղում, թիւ 432 փաստաթուղթը:

Դրանից նաեւ բխում է, որ թուրքերը հայերի հանդէպ բնաւ բարի ցանկութիւններ չունեն, ինչու էս երբեք չեմ տարակուսել: ... Ինձ հետ զաղտնազրոյցում հայ պատուիրակները խոստովանում են, որ հայերը ոչ մի դէպքում չեն վերագոռնայ այն տարածքները, որոնք գտնուում են թուրքական տիրապետութեան ներքոյ: Իմ կարծիքով ուստիպիա է, երբ թիֆլիսից թուրքերից հայերի համար երաշխիքներ են պահանջում: Այնտեղ, որտեղ մշակութային ցածր մակարդակի վրայ առկայ է ռասսայական ատելութիւնը, չեն կարող երաշխիքներ լինել: Ովքեր մեծամասնութիւն են կազմում, փոքրամասնութեանը կ'ոչնչացնեն: Անառարկելի գերմանացի վկաների կողմից ապացուցուած է, որ հայերը նոյնպէս այդպէս են վարուում: Դա սովամահ եղողների հանդէպ կարեկցութեան դրդապատճառով թելադրուած է: Դրան թուրքերը միայն պատասխանում են, որ Սիրիայում եւ Միջագետքում իրենց հաւատարմիցներից հարկւրհագարաւորները եւ նաեւ հազարաւոր թուրքական զինուորներ սովամահ են եղել, ինչի պատճառով թուրքիան, սակայն, չի յոգնել պատերազմից: Բացի այդ՝ թուրքերի համար անպատճառ ցանկալի է, որ կէս միլիոն հայեր մահանան...»³⁴:

Յատկանշական է, որ դրանով հանդերձ՝ Բեռնշտորֆը շարունակում էր յամառօրէն պաշտպանել իր՝ նախկինում եւս արտայայտած այն տեսակէտը, որ կարելի էր Հայաստանը, նաեւ Վրաստանն ամբողջովին զոհաբերել կամ, այլ կերպ ասած, զիջել թուրքիային՝ փոխարէնը թուրքիայից ստանալով որոշակի քաղաքական ու տնտեսական կոնցեսիաներ: «Քանի որ ես համոզուած եմ, գրում էր նա, որ մենք, բաւականաչափ ուժ չունենալով, չենք կարող թուրքերին ետ պահել Կովկասում իրենց ցանկութիւնների կատարումից՝ ... ես

34 Die Armenische Frage..., էջ 565-566:

սկզբից եւեթ միջնորդել եմ, որ քաղաքական ու տնտեսական կոնցեսիաների դիմաց նրանց այնտեղ գործելու ազատութիւն տանք: Այդ դէպքում մենք նոր պատասխանատուութիւն չէինք ստանձնի այնպիսի կասկածելի բարեկամների համար, ինչպէս վրացիներն ու հայերն են: Երբ արդէն պարզ է դարձել, որ բացակայում են այն նախադրեալները, որոնք նկատի առնելով մենք Վրաստան գնացինք, ես այսօր, աւելի քան երբեք, այդ նոյն կարծիքին եմ»³⁵:

Իսկ այն դէպքում, եթէ նրա առաջարկած քաղաքականութիւնը Բեռլինի կողմից իրագործելի չհամարուէր, ապա նրա կարծիքով մնում էր գործելու միայն երկու հնարաւորութիւն. կա՛մ Գերմանիան պէտք է այնքան զօրամասեր ուղարկէր Վրաստան եւ Հայաստան, որ կարողանար բռնի կերպով իր կամքը թուրքերին պարտադրել, կա՛մ պէտք է թուրքիային յայտարարէր, որ Գերմանիան նրա «Հաստակողութեան» հետեւանքով այլեւս որեւէ արժէք չէր տալիս Կոստանդնուպոլսում համաժողով հրաւիրելուն, փոխարէնը, սակայն, թուրքերը թողնուելու էին իրենց յոյսին, եթէ Ռուսաստանի հետ նոր պատերազմ սկսուէր: Միաժամանակ Գերմանիան կը շարունակէր Վրաստանում իր դիրքերը տնտեսական նպատակներով ամրապնդել: Դեսպանի համոզմամբ, սակայն, այդ երկու գործելակերպն էլ կ'առաջացնէին Քառեակ միութեան տրոհման վտանգ. «...Ես, սակայն, առաջացած կոնֆլիկտի որեւէ ուրիշ լուծում չեմ տեսնում, գրում էր նա, քանի որ բնաւ չի կարելի կարծել, թէ թուրքերն այժմ յօժարակամ կերպով եւ անկեղծօրէն տեղի կը տան»³⁶:

Ինքնին հասկանալի է, որ Հայ ժողովրդի շահերի պաշտպանութեան դէպքում Քառեակ միութեան տրոհման՝ դեսպանի մտահոգութիւնն իրատեսական չէր,

35 Նոյն տեղում, էջ 566:

36 Նոյն տեղում:

եւ այն պարզապէս պատրուակ էր ծառայում թուրքիայի հանդէպ հանդուրժողական քաղաքականութեան վարման՝ նրա կողմից պաշտպանուող տեսակէտը հնարաւորինս ամրապնդելու համար: Բեռնշտորֆը կովկասեան խնդրում միանշանակօրէն թուրքական քաղաքականութեան եւ շահերի պաշտպանութեան կողմնակից էր՝ դա համապատասխան համարելով կամ փորձելով համապատասխանեցնել Գերմանիայի շահերին, եւ եթէ նկատի առնենք, որ դեսպանները, արտաքին քաղաքականութեան իրագործումից զատ, սովորաբար կարեւոր դերակատարութիւն ունէին նաեւ այդ քաղաքականութեան մշակման հարցում, ապա այդ օրերին նրա պաշտօնավարութիւնը կարելի էր համարել հերթական չարիքը օրհասական դրութեան մէջ գտնուող հայութեան համար:

Բեռնշտորֆն, ինչպէս իր թուրք գործընկերները, ամենեւին շահագրգռուած չէր նաեւ Կոստանդնուպոլսի համաժողովի կազմակերպման հարցում՝ Կովկասին վերաբերող սահմանային եւ այլ խնդիրների կարգաւորման առաւել ցանկալի ճանապարհը համարելով դաշնակից պետութիւնների միջեւ ետկուլիսային համաձայնութեան կայացումը: Ուստի, հասկանալի է, որ իր յաջորդ՝ օգոստոսի 6-ի հեռագրում նա կասկածի էր ենթարկում նաեւ Կովկասում համաժողով հրաւիրելու անհրաժեշտութիւնը՝ նշելով, որ թուրքական կողմը համաձայն էր, որ համաժողովում քննարկման ենթակայ հարցերը կարգաւորուէին չորս դաշնակիցների միջեւ փոխհամաձայնութեան կայացման միջոցով: Ուշագրաւ էր, որ դեսպանը միաժամանակ սկզբից եւեթ բացառում էր թուրքիայի կողմից Բրեստի պայմանագրային սահմանների ճանաչումը՝ պնդելով, որ թուրքիայի հետ բոլոր հարցերի վերաբերեալ կարելի էր փոխհամաձայնութեան հասնել, բացի այդ հարցից: Թուրքական կառավարութիւնը, նշում էր դեսպանը, չէր կամենում անգամ

լսել Բրեստի պայմանագրի մասին: Նրանք այդ պահանջը մշտապէս դիտում էին որպէս «թուրքիայի ենթարկում վրացիների եւ հայերի ցանկութիւններին, որոնք միանգամայն բաւարարուած կը լինէին Բաթումի խաղաղութեան պայմանագրով, եթէ մենք նրանց չպաշտպանէինք»³⁷:

Յատկանշական է, որ դեսպանը չէր զլանում անձամբ նոյնպէս միանգամայն բացառել Բրեստի պայմանագրի համաձայն սահմանները կարգաւորելու հնարաւորութիւնը. «Այդ հարցը, իմ կարծիքով, առհասարակ լուծելի չէ, - գրում էր նա, - քանի որ թուրքերը տեղի չեն տայ, իսկ մենք միջոցներ չունենք նրանց ստիպելու, որ ետ գնան մինչեւ Բրեստ-Լիտովսկի սահմանները...»³⁸:

Ինքնին հասկանալի է, որ դեսպանը կա՛մ գերազնահատում էր գերմանական ճնշմանը թուրքական ընդդիմութեան հնարաւորութիւնը, կա՛մ պարզապէս փորձում էր իրավիճակն այդ կերպ բնութագրել՝ թուրքական կառավարութեան ցանկութիւններին միանգամայն համահունչ իր քաղաքական դիրքորոշումն առաւել համոզիչ դարձնելու համար, մինչդեռ թուրքիայի դիմադրութեան կամ թուրքիայի վրայ ճնշում գործադրելու դէպքում քառակ միութեան տրոհման հնարաւորութիւնը հիմնաւորապէս հերքուել էր Ֆոն Լոսովի, Ֆոն Կրեսի եւ այլոց կողմից:

Բեռնշտորֆը հեռագրում միաժամանակ քննադատութեամբ էր անդրադառնում գեներալ Ֆոն Կրեսի հայանպաստ գործելակերպին՝ յայտնելով, թէ էնվեր փաշան իր հետ ունեցած տեւական զրոյցում նոյնպէս շատ էր գանգատուել Վրաստանին եւ Հայաստանին Գերմանիայի կողմից ցուցաբերուող «պաշտպանողական քաղաքականութիւնից»: Այդ առն-

37 Revidierte Ausgabe..., թիւ 427 փաստաթուղթը:
38 Նոյն տեղում:

չութեամբ դեսպանը մասնաւորապէս անդրադառնում էր այն փաստին, որ Ֆոն Կրեսը մի շարք գերմանացի սպաների հետ մեկնել էր Երեւան՝ «Հայկական կառավարութիւնը կազմակերպելու համար»³⁹: Ըստ դեսպանի՝ այդ այցը կարող էր որոշակի վտանգ ստեղծել, այն է՝ հայերին ոգեւորել նոր կռիւներ սկսելու, որոնց ժամանակ, դատելով Ֆոն Կրեսի գործելակերպից, գերմանացի սպաները կարող էին հայերի կողմից հանդէս գալ: Դեսպանը խիստ քննադատութեամբ էր անդրադառնում նաեւ այն փաստին, որ, ինչպէս արդէն նշուել է, Ֆոն Կրեսը յաճախ արգելում էր թուրքական կողմին կովկասեան երկաթուղին օգտագործել. մի իրողութիւն, որը դեսպանի կարծիքով վնասում էր պատերազմավարմանը եւ Գերմանիայի հանդէպ թուրքիայում բացասական տրամադրութիւններ էր ստեղծում: «Մեր բանակի գլխաւոր հրամանատարութիւնը կարգադրում է, որ թուրքական զօրամասերը առաւելագոյն արագութեամբ տեղափոխուեն Միջագետք, - գրում էր նա: - Գեներալ Ֆոն Կրեսն արգելում է երկաթուղու օգտագործումը՝ թուրքերին հարկադրելու համար, որ զիջումների գնան: Արդիւնքում թուրքերը տեղի չեն տալիս, իսկ կարգադրուած ռազմական գործողութիւններն էլ չեն կայանում, այսինքն խոչընդոտում է ընդհանուր պատերազմավարումը: Դրանից, այսպիսով, միայն մեր թշնամիներն են օգտուում»⁴⁰:

39 Նոյն տեղում: Բեռնշտորֆը, փաստօրէն, չէր խուսափում նաեւ այդօրինակ սադրիչ տեղեկութիւններից: Ինչպէս արդէն նշուել է, Ֆոն Կրեսը մեկնել էր Երեւան՝ հայկական կառավարութեանը ներկայանալու, այլ ոչ թէ այն կազմակերպելու համար:

40 Նոյն տեղում: Հեռագրի վերջում նա հակիրճ հաղորդում էր նաեւ, որ թուրքական նախարարների խորհուրդը թուրքահայերի համար համահարմար կարգադրութիւն արդէն կատարել էր, եւ դրա իրագործումը յանձնարարուած էր Ջամփոլադին:

Ինչ վերաբերում է Ֆոն Կրեսին, ապա նա, ջանալով անել հնարաւորը հայ ժողովրդին օգնելու համար, Բեռնշտորֆի մօտ նոյնպէս հայերի դրութեան վերաբերեալ ըմբռնում ձեւաւորելու մի փորձ կատարեց՝ օգոստոսի 20-ին նրան ուղարկելով մի հեռագիր, որը դեսպանն իր հերթին օգոստոսի 25-ին ուղարկեց նաեւ արտգործնախարարութեանը: «Հայ փախստականների վերադարձի հարցի առնչութեամբ թուրքական թուացեալ համաձայնութիւնը ոչ մի արժէք չունի, - գրում էր Ֆոն Կրեսը: - Մինչդեռ թուրքական զօրքերի կողմից դրաւուած տարածքներում բերքը, որչափ որ այն թուրքերի կողմից չի տեղափոխուում, աշխատուածի անբաւարարութեան հետեւանքով փտում է, էնվեր փաշայի մատնանշած գծից արեւելք ընկած անբերրի շրջանում սեղմուած մարդկանց զանգուածներն անխուսափելի կործանման են դատապարտուած: Դրութիւնն օրէցօր աւելի է վատթարանում: Եթէ Հայաստանի կառավարութեան եւ աւագագոյն հոգեւորականութեան օգնութեան յուսահատ կանչերը դառնան ձայն բարբառոյ անպատի, ապա այդ Հին քրիստոնեայ ժողովրդի ոչնչացման պատասխանատուութիւնը յաւերժ կը ծանրանայ Գերմանիայի եւ Աւստրիայի վրայ: Պատմութիւնը զիջում չի կատարելու եւ չպէտք է կատարի այն հարցում, որ կենտրոնական Եւրոպայի երկու մեծ քրիստոնեայ տերութիւնները ի վիճակի չեղան գոնէ այս դէպքում, երբ հարցը վերաբերում է մի ամբողջ ժողովրդի լինել-չլինելուն, իրենց կամքը պարտադրել իրենց ասիացի դաշնակցին...»⁴¹:

41 Deutschland und Armenien 1914-1918..., էջ 431: Այնուհետեւ Ֆոն Կրեսը դեսպանի ուղարկութիւնը դարձեալ հրաւիրում էր այն հանգամանքի վրայ, որ Լւսաղ փաշան, մինչեւ իսկ այն դէպքում, երբ խօսքը վերաբերում էր միայն որոշ շրջանների, փաստացիօրէն մերժում էր կատարուած դիմումների հիման վրայ հայերին վերադարձի թոյլտութիւն յատկացնել: Իսկ հեռագրի մնացած տեքստը, որ մօտ տասը տող էր կազ-

Հայ ժողովրդի դրույթն էր վերաբերեալ Գերմանիայի կողմից գործուն միջամտութեան ցուցաբերման հարցի առնչութեամբ ղեռ յուլիս ամսին մի կողմից Գերմանիայի եւ Թուրքիայի միջեւ, միւս կողմից հէնց Գերմանիայի ռազմաքաղաքական շրջաններում ի յայտ եկած տարակարծութիւններն ու հակասութիւնները օգոստոսի սկզբին, այսպիսով, էլ աւելի սուր բնոյթ էին ընդունել, ինչը պաշտօնական Գերմանիային որոշակիօրէն հարկադրում էր յատկեցնել հարցի առնչութեամբ իր դիրքորոշումը: Կարելի էր ենթադրել, որ գեներալներ ֆոն Լոսովի, ֆոն Կրեսի, նաեւ հայ պատուիրակութեան հետեւողական տեղեկատուութեան, Բրեստի պայմանագրային սահմանների ճանաչման հարցի նախընթաց վերաբարձումների արդիւնքում Գերմանիան պէտք է վերջապէս հրաժարուէր Կովկասում թուրքական ինքնիշխան քաղաքականութեան հանդէպ իր գոսպ ու հանդուրժողական կեցուածքից եւ Թուրքիայի վրայ քործադրէր իրական ճնշում Բրեստի կամ առնուազն Բաթումի պայմանագրային սահմանները ճանաչելու, ինչպէս եւ իր հակահայկական քաղաքականութիւնը դադարեցնելու համար: Պաշտօնական Գերմանիան, սակայն, շարունակում էր հայ ժողովրդի ճակատագրի հանդէպ պատասխանատուութիւնը հնարաւորինս իրենից վանել՝ որոշակի դիրքորոշման արտայայտման անհրաժեշտութեան դէպքում առաւել հակուած լինելով հետեւելու Բեռլինի կողմից պաշտպանուող քաղաքական գծին:

Ֆոն Կրեսը, ինչպէս նշուեց, օգոստոսի 4-ի իր վերոնշեալ հեռագիրն ուղարկել էր նաեւ Վիեննա՝ աւստրիական արտգործնախարարութեանը: Գերմանական արտգործնախարարութիւնն այդ հանգամանքը

մում, անհնար է եղել վերծանել, եւ դրանից պահպանուել են միայն առանձին կցկտուր բառեր ու արտայայտութիւններ (տե՛ս Revidierte Ausgabe..., թիւ 434 փաստաթուղթը):

համարում էր շարժառիթ՝ հարցը Աւստրո-Հունգարիայի հայեցողութեանը թողնելու եւ Գերմանիայի ձեռնպահութիւնը հիմնաւորելու համար: Այս շեշտադրումով էր բնութագրուում Բերլինից ուղղուած՝ Ա.Գ.Ն քաղաքական բաժանմունքի ղեկավար ֆոն Շթումի օգոստոսի 19-ի հեռագրային ցուցումն այն մասին, որ Հայաստանին օգնութիւն ցուցաբերելու հարցի առնչութեամբ յանձնարարելի էր համարուում նախ սպասել Վիեննայի կառավարութեան կողմից դիրքորոշման արտայայտմանը: «Մեզ համար որոշակի բեռնաթափում կը լինէր, այնտեղ նշում էր ֆոն Շթումը, - եթէ նա (աւստրո-հունգարական կառավարութիւնը - Ա. Հ.) ստանձնէր այդ անշնորհակալ առաջադրանքը: Ամէն դէպքում անհաւանական է, որ նա այդ կ'անի»⁴²:

Գերմանիայի քաղաքական ղեկավարութիւնը նոյնիսկ խորհում էր այդ «անշնորհակալ հարցից» ազատուել՝ հայ փախստականներին վերադարձի հնարաւորութիւն ստեղծելու փոխարէն նրանց դէպի հիւսիս, ասել է թէ՛ Վրաստան կամ, թե՛րեւս նաեւ՝ Ռուսաստան ուղարկելու միջոցով: Այդ բովանդակութիւնն ունէր ֆոն Շթումի կողմից օգոստոսի 14-ին ֆոն Կրեսին ուղղուած հեռագիրը, որտեղ նշուում էր, որ փախստականների հարցի վերաբերեալ թուրքական կառավարութեան «մինչայժմեան դիրքորոշումը» գերմանական կողմին հարկադրում էր քննել այն

42 Die Armenische Frage..., էջ 574: Գերմանիան դա Աւստրո-Հունգարիայի հայեցողութեանն էր թողնում՝ ամբողջովին ձեռնպահ մնալով այդ հարցում որեւէ դերակատարութիւն ունենալուց: Այդ առումով նաեւ բնութագրական է, որ պետքարտուղար Հիմպօլդտ դեռ օգոստոսի 4-ին Բարոն ֆոն Լեքսներին տեղեկացնում էր, որ քանի որ Հայաստանում տեղակայելու համար համապատասխան գերմանական զորամասեր չկային, սպա նա բնաւ չէր ստարկում Հայաստանում աւստրո-հունգարական զորամասեր տեղակայելու մտքին: Նոյն տեղում, էջ 564:

հարցը, թէ՛ արդեօք հայ փախստականների տեղափոխումը դէպի հիւսիս հնարաւոր էր եւ կարող էր անմիջապէս սկսուել: Ընդ որում՝ նա ֆոն Կրեսին խնդրում էր իր տեսակէտն արտայայտել այդ առնչութեամբ եւ, ըստ հանգամանքների, ձեռնարկել միջոցառումներ դա իրագործելու համար⁴³:

Չնայած այդ առնչութեամբ ֆոն Կրեսի գրաւոր պատասխանը բացակայում է հրապարակում առկայ սկզբնաղբիւրներում, այնուհանդերձ, գերմանական պաշտօնական գրադրութեան հետագայ ընթացքը թոյլ է տալիս ենթադրել, որ այն պէտք է բացասական եղած լինի:

Ինչեւէ, ի վերջոյ, օգոստոսի 20-ին գեներալ ֆոն Կրեսին ուղարկուած հեռագրում գերմանական արտգործնախարարութիւնը բաւականին, կարելի է ասել, աննախադէպ կերպով որոշակի արտայայտեց իր դիրքորոշումը հայկական խնդրի առնչութեամբ: «Առանց ամենամանշան իսկ չափով թերագնահատելու այն քաղաքական կարեւորութիւնը, որ ունի հայերի դրութեան բարելաւումը մեր եւ Թուրքիայի համար, - գրում էր արտգործնախարարութեան պետքարտուղար Հինթցէն գեներալին, - եւ մարդկայնօրէն լիովին կիսելով նրանց տառապանքները՝ մենք, սակայն, հարկադրուած ենք, հաշուի առնելով Թուրքիային, հայկական ցանկութիւնների հանդէպ որոշակի զսպուածութիւն պահպանել: Ինքնին հասկանալի է, որ մենք ազատ ենք մարդասիրական միջոցառումներ իրականացնելու հարցում: Այդ տեսանկիւնից հայերի՝ այստեղի բարեկամները մեզ դրդում են Երեւանի կառավարութեանը նոյն քանակութեամբ հացահատիկ տալ, ինչպէս վրացական կառավարութեանը: Թէ արդեօք հնարաւոր կը լինի այդ հարցը համաձայնեցնել սննդամատակարարման ռազմական ծառայութեան հետ, շատ կաս-

43 Deutschland und Armenien 1914-1918..., էջ 427-428:

կածելի է: Նախքան ես այդ ուղղութեամբ փորձ կը ձեռնարկեմ, Ձերդ Բարեձնութեանը խնդրում եմ տեղեկացնել, թէ արդեօք հնարաւոր է Վրաստանով հացահատիկ հասցնել Հայաստան, չնայած մենք հէնց իրենց՝ վրացիներին էլ աւելի աննշան քանակութեամբ ենք կարողանում տալ, քան սկզբում խոստացել ենք»⁴⁴:

Օգոստոսի 24-ին պետքարտուղար Հինթցէն ֆոն Կրեսին ուղղուած մի հեռագրով վերոնշեալ ոգով արտայայտեց նաեւ իր վերաբերմունքը նրա՝ Երեւան կատարած այցելութեան նկատմամբ, որտեղ նա մասնաւորապէս նշում էր, որ միանգամայն համաձայն էր ֆոն Կրեսի՝ Երեւան կատարած այցելութեան հետ եւ միաժամանակ ողջունում էր, որ նա չի մասնակցել պառլամենտի բացմանը: «Քանի որ կայսերական դեսպանի շատ լուրջ առարկութիւնները եւ բանակի գլխաւոր հրամանատարութեան եռանդուն քայլերը Թուրքիային հայկական տարածքն ազատելու եւ փախստականների վերադարձը թոյլատրելու որոշմանը չեն յանգեցրել, ցաւօք, կասկածելի է թւում, թէ մենք առհասարակ ի վիճակի կը լինենք հայերին ազդեցիկ օգնութիւն ցուցաբերել: Մեր հետագայ գործելակերպը կախուած կը լինի ընդհանուր քաղաքական եւ ռազմական իրավիճակից: Այդ ընթացքում մենք պէտք է խուսափենք նոր յոյսեր յարուցել հայերի մէջ, որոնց, հաւանաբար, ստիպուած կը լինենք յուսախաբեցնել»⁴⁵:

Ինչեւէ, վերոնշեալ պաշտօնական հեռագրերով միանշանակօրէն պարզ էր դառնում, որ հայկական կողմը քաղաքական աջակցութեան որեւէ ակնկալիք Գերմանիայից չէր կարող ունենալ, իսկ մարդասիրական օգնութեան հնարաւորութիւնը խիստ կասկածելի էր: Մինչդեռ Թուրքական կառավարութիւնը, օգտուելով

44 Նոյն տեղում, էջ 428:
45 Revidierte Ausgabe..., թիւ 433 փաստաթուղթը:

Գերմանիայի թողտուլթիւնից, շտապում էր կեղծ իրաւական հիմքեր ստեղծել Կարսի նահանգը իւրացնելու համար, այն է՝ հայերի վտարման եւ մահմեդականների ներգաղթի միջոցով նահանգի բնակչութեան փաստացի հաշուեկշիռը փոխելուց յետոյ անցկացնել հանրաքուէ՝ այն Օսմանեան կայսրութեանը միացնելու նպատակով: Օգոստոսի 19-ին Կարսի Հայոց ազգային խորհուրդը հանդէս եկաւ թուրքական կառավարութեան այդ գործելակերպի եւ Բրեստի պայմանագրի ոտնահարման դէմ գերմանական կառավարութեանն ուղղուած վճռական բողոքով, որի տեքստը նախ առաքուեց գեներալ Փոն Կրեսին, իսկ վերջինս էլ այն օգոստոսի 21-ին ուղարկեց գերմանական արտգործնախարարութեանը: Այնտեղ մասնաւորապէս նշուած էր, որ Կարսի Հայոց ազգային խորհուրդը, որն այդ շրջանի «բազմաշարժար հայ բնակչութեան» կամքն ու շահերն արտայայտող միակ լիազօր մարմինն էր, նահանգի հայ բնակչութեան անունից ամենավճռական կերպով բողոքում էր թուրքական կառավարութեան կողմից ձեռնարկուած հանրաքուէի դէմ եւ յայտարարում էր, որ Բրեստի պայմանագրի 4-րդ պարագրաֆը թուրքական կառավարութեան կողմից ամենակոպիտ կերպով ոտնահարուել էր, քանի որ մի կողմից թուրքական կառավարութիւնը մասամբ բռնի կերպով, մասամբ կովկասեան կառավարութիւնների վրայ ճնշման գործադրմամբ, հակառակ պայմանագրի, երկրամասը զաւթել էր եւ միւս կողմից ինքնագլուխ կերպով, առանց հաշուի առնելու պայմանագիրը համաստորագրող պետութիւններին, որոնք թուրքիայի հետ միասին յիշատակում էին նոյն պարագրաֆում, միմիայն մահմեդական բնակչութեան շահերն էր արտայայտում, քանի որ Կարսի սանջակում մեծամասնութիւն կազմող հայ բնակիչները միւս քրիստոնեաների հետ միասին իրենց բնակավայրերից քշուել են եւ զրկուած են

իրաւական ճանապարհով իրենց կամքն արտայայտելուց, չնայած թուրքական զօրքերի կողմից նուաճուած երկրամասից նրանց փախուստն իսկ բաւական էր՝ նրանց կամքի արտայայտումը պարզորոշ դարձնելու համար: «Այն իրաւունքների անունից,- նշուած էր Խորհուրդի բողոքագրում,- որոնք Բրեստի պայմանագրի հիման վրայ յատկացուել են ամբողջ բնակչութեանը, այլ ոչ միայն նրա մահմեդական մասին, Կարսի Հայոց ազգային խորհուրդը դիմում է Բրեստի պայմանագրում յիշատակուած՝ համաստորագրող տերութիւնների խղճին եւ խնդրում է նախ հեռացնել թուրքական զաւթիչ զօրքերը, ինչպէս նաեւ այն մահմեդական զանգուածները, որոնք հարեւան տարածքներից այնտեղ են տեղափոխուել թուրքական կողմնորոշման համար ձայների մեծամասնութիւն ապահովելու նպատակով, եւ երկրորդ, ստեղծել պայմաններ, որոնք քրիստոնեայ բնակչութեանը վերադարձի եւ իր հայրենիքում հաստատուելու հնարաւորութիւն կը տան, որպէսզի նրանք ի վիճակի լինեն, համաձայն նոյն պայմանագրի, անձամբ որոշել իրենց կառավարման ձեւը»⁴⁶:

Այդ բողոքագիրը, բնականաբար, նոյնպէս դատապարտուած էր դառնալու «ձայն բարբառոյ յանապատի», առաւել եւս այն բանից յետոյ, երբ գերմանական կառավարութիւնը փաստացիօրէն հրաժարուել էր որեւէ պատասխանատուութիւն ստանձնել հայ ժողովրդի վիճակի առնչութեամբ: Մօտենում էր աշունը, եւ եթէ իրազրութիւնը շարունակէր նոյնը մնալ, ապա սովի ու սառնամանիքի դէմ անպաշտ-

⁴⁶ Deutschland und Armenien 1914-1918..., էջ 429: Վերջում Կարսի հայոց ազգային խորհուրդը տեղեկացնում էր այդ առնչութեամբ շուտով մի մանրամասն, պատմական, աշխարհագրական եւ էթնոգրաֆիական տուեալներով յագեցած յուշագիր գերմանական կառավարութեանն ուղարկելու իր մտադրութեան մասին:

պան բազմահազար հայ փախստականներն այլեւս չէին կարողանայ գոյատեւել: Այս ծանր իրազրութիւնում Կոստանդնուպոլսում գտնուող հայկական պատուիրակութիւնը օգոստոսի վերջին դարձեալ հանդիպեց դեսպան Բեռնշտորֆին՝ նրան իր բողոքն արտայայտելով այն առնչութեամբ, որ վրացական հանրապետութիւնը դաշնակից պետութիւնների կողմից արդէն պէտք է ճանաչուէր, մինչդեռ Հայաստանի Հանրապետութիւնը՝ ոչ: Ինչպէս տեղեկացնում էր դեսպանը արտգործնախարարութեան պետքարտուղարին ուղղուած՝ օգոստոսի 28-ի իր հեռագրում, պատուիրակները նշել էին, որ եթէ Հայաստանը նոյն կերպ ճանաչուած չգտնէր, ապա, այն, Ռուսաստանից միանգամայն կտրուած լինելով, ամբողջովին կ'ընկնէր թուրքիայի տիրապետութեան տակ, եւ այդպիսով Գերմանիան, փոխանակ հայերին խոստացուած օգնութիւնը տրամադրելու, նրանց մահացու հարուած կը հասցնէր:

Հայ պատուիրակները դեսպանին նաեւ հարցրել էին, թէ արդեօք արդէն պէտք է վերադառնային, քանի որ համաժողով տեղի չէր ունենում, եւ վրացի պատուիրակները նոյնպէս վճռել էին վերադառնալ: Դեսպանը նրանց խորհուրդ է տալիս մի կարճ ժամանակ եւս մնալ, քանի որ, իբրեւ թէ, առաջիկայ օրերին պէտք է կայացուէր՝ այս կամ այն ուղղուածութիւնն ունեցող մի վերջնական որոշում: Ուշագրաւ է, որ դեսպանը ստեղծուած իրազրութիւնում հայերի համար միակ ելքը, ինչպէս նախկինում, դարձեալ համարում էր Հայաստանի Հանրապետութիւնը Վրաստանին միացնելը: Հայ պատուիրակները, բաւական երկար ընդդիմանալով, եւ, ամենայն հաւանականութեամբ, միայն այն պայմանով, որ այդ միացումը ժամանակաւոր էր լինելու, ի վերջոյ համաձայնել էին: «Ընդհանուր առմամբ ես հայերին առկայ իրավիճակում քիչ միջիթարութիւն կարողացայ տալ,- գրում էր դեսպանը:-

Նրանք որեւէ արժէք չեն տալիս փախստականների վերադարձին, քանի որ փաստացի իրազրութեանը տեղեակ են եւ այդ պատճառով ստուգապէս գիտեն, որ ոչ մի հայ չի վերադառնայ այնտեղ, որտեղ իշխում են թուրքերը, այնպէս, ինչպէս ոչ մի մահմեդական իրաւունք չի ունենայ մնալ Հայաստանի Հանրապետութիւնում, եթէ այն դառնայ իրականութիւն: Երկար-բարակ խօսելուց յետոյ մենք եկանք համաձայնութեան՝ Ձերը Գերազանցութեանը հետեւեալ առաջարկը ներկայացնելու համար, որը հայերի վերջին յոյսն է: Վրաստանը մինչեւ այժմ դեռ չի ճանաչուել, այլ մենք միայն Ռուսաստանի համաձայնութիւնն ենք ձեռք բերել նրա ճանաչման համար: Վրաստանի սահմանները նոյնպէս դեռ ամրագրուած չեն: Այդ պատճառով կարելի է խորհել, որ մենք վրացիներին որոշ պայմաններ առաջադրենք, նախքան նրանք կը վայելեն իրենց տրուելիք արտակարգ արտօնութիւնները: Մենք հաւանաբար կարող ենք պահանջել, որ փոքրիկ, այսպէս կոչուած, Հայաստանի Հանրապետութիւնը ինչ-որ մի ժամանակաւոր ձեւով միացուի Վրաստանին: Հայերը դրան պատրաստ են, քանի որ որեւէ ուրիշ յոյս այլեւս չունեն: Թէ արդեօք վրացիները վերոնշեալ առաջարկին կը համաձայնեն, ես այստեղից չեմ կարող դատել, քանի որ Վրաստանի՝ այստեղի ներկայացուցիչների շարքում մեծ կշիռ ունեցող ոչ մի անձնաւորութիւն չկայ: Այդ մասին միայն Ձեռնկելին կարող է տեղեկութիւն տալ: Ես այստեղից նմանապէս քիչ կարող եմ կռահել, թէ Ռուսաստանը ինչպէս կը վերաբերուի այդ հարցին: Հայերն ինձ ասացին, որ Ռուսաստանը չի ուզում ճանաչել այժմեան Հայաստանի Հանրապետութիւնը, քանի որ դրանով միաժամանակ կը վաւերացուի Հայաստանի անդամահատումը: Դա, սակայն, ես բաւականաչափ հիմք չեմ համարում, քանի որ կարիք չկայ հայերի մնացորդը ոչնչացնել միայն մի սկզբունքի

պատճառով, որը չի կարող իրագործուել: Ինչ, վերջապէս, թուրքերին է վերաբերում, ապա ես կարող եմ վկայակոչել իմ նախկին տեղեկութիւնները, ըստ որոնց այստեղի կառավարութիւնը բացառիկ նշանակութիւն է տալիս սահմանային կարգաւորումներին եւ կովկասի մահմեդականների հետ իր կապերին, որոնց նա պարզապէս թուրքեր է անուանում»⁴⁷:

Յատկանշական է, որ Բենշտորֆը, որը մեծ դերակատարում էր ունեցել անցած ժամանակամիջոցում գերմանական կառավարութեանը հայանպաստ գործուն միջամտութիւններին եւս պահելու հարցում, հայ ժողովրդին օգնելու՝ Գերմանիայի հնարաւորութիւնները վերոնշեալով արդէն սպառուած էր համարում եւ խորհուրդ էր տալիս կառավարութեանը, թողնելով այդ եւ կովկասեան այլ հարցերում թուրքիայի հետ ունեցած տարակարծութիւնները, թուրքերի եւ Ադրբեջանի մահմեդականների հետ համաձայնութեան գալով՝ նախաձեռնել Բաքուի գրաւումը⁴⁸, քանի որ այլապէս Գերմանիան կը զրկուէր Բաքուի նաւթից եւ կարեւոր ճանապարհներին⁴⁹:

Ինչեւէ, չնայած այն հետեւողական ջանքերին, որ գործադրում էին Հայաստանի Հանրապետութեան կառավարութիւնը եւ Թիֆլիսում Գերմանիայի ներկայացուցիչ գեներալ ֆոն Կրեսը՝ խիստ ծանր դրութեան մէջ գտնուող հայերի համար Գերմանիայի աջակցութիւնն ապահովելու նպատակով, պաշտօնական Գերմանիան 1918 թ. օգոստոսին եւս նախընտրեց հետեւել այդ հարցում չէզոքութիւն պահպանելու եւ հնարաւորինս պատասխանատուութիւնն իրենից վանելու՝ իր աւանդական քաղաքականութեանը՝ լաւագոյն դէպքում հանդէս գալով միայն Բ. Դուանն ուղղուած ամուլ նախազգուշացումներով եւ յորդորներով. հանգամանք, որից հետոյն օգտուում էր թուրքական կառավարութիւնը:

Անորոշ Մոսկուայի ցանկութիւններով: Ամէն դէպքում, ըստ Արա, Բաքուի գրաւումը յոյժ անհրաժեշտ էր, եւ նա կառավարութեանը կոչ էր անում հնարաւորինս արագ մշակակալից ուղղակի անցում, առանձնապէս ծանր հրետանի տրամադրել գեներալ ֆոն Կրեսին, քանի որ մի հրամօթային մարտկոցով այդ հարցում ոչինչ հնարաւոր չէր անել (տե՛ս Առյուծ տեղում, էջ 577-578): Ինքնին հասկանալի է, որ Բենշտորֆի այս տեսակետը մոյմպէս միանգամայն թուրքական շահերից էր բխում, եւ նա այդ առնչութեամբ պէտք է քաջալերուած լինէր նաեւ թուրքական կառավարութիւնից:

47 Die Armenische Frage..., էջ 576-577:
 48 Բաքուի հետ կապուած՝ համալիր ուղղակի գործողութիւնների ընթացքին իրազեկուելու համար տե՛ս Մ. Ս. Կարապետեան, Հայաստանը 1912-1920 թուականներին, էջ 241-246:
 49 «Քանի որ անգլիացիները շարունակ ամրապնդում են Բաքուում, այդ առթիւ գրում էր Արա, եւ համոզուած եմ, որ մենք շուտով, չնայած այն ամէնին, ինչ միջնա թիմա տեղի է ունեցել, ուղղակի կարողաքանքանքներով պէտք է թուրքիայի եւ Ադրբեջանի մահմեդականների հետ համաձայնութեան գալով՝ նախաձեռնել Բաքուի գրաւումը»⁴⁸, քանի որ այլապէս Գերմանիան կը զրկուէր Բաքուի նաւթից եւ կարեւոր ճանապարհներին⁴⁹:

ՀԻՆ ԵԳԻՊՏԱԿԱՆ «ԲԱՂԱԴՐԵԱԼ ՄԻՋՆՈՐԴԱԻՈՐՈՒԱԾ ԼԱՔԵՐԸ»
 ԿԱՐԵԼԻ Է ԱՆՈՒԱՆԵԼ «ԿԱՅՍԵՐԱԿԱՆ»

Քրիստիան դը Վարդաւան
 Եգիպտագիտութեան հայկական կենտրոն (ԵՊՀ)

Փարաւոնեան ժամանակներում «սեւ լաքի» առաջին կիրառութիւնն, ըստ Թէյլորի¹, կապուած է եղել սեւ հիմնաշերտ (ֆոն) ունեցող սարկոֆագների ի յայտ գալու հետ՝ Հաթշեփսութի գահակալման (մօտ. 1473-1458) եօթներորդ տարուայ սկզբին (նոր Թագաւորութեան ժամանակաշրջանի սկիզբ): Սերփիքոն եւ Ուայթը², կաշրջանի սկիզբ): Սերփիքոն եւ Ուայթը², մի շարք լաքապատ առարկաներ ուսումնասիրելուց յետոյ, գտնում են, որ «դեղին լաքը» նոյնպէս սկսել է կիրառուել փարաւոնուհու գահակալման այդ նոյն տարում: Կարելի է ենթադրել, որ այս լաքերի ի յայտ գալու եւ Հաթշեփսութի՝ դէպի Փոնտի երկիր (Արեւելեան Աֆրիկա) կատարած արշաւանքների միջեւ գոյութիւն ունի անմիջական կապ, մանաւանդ, որ Դէյր-էլ-Բահարիի նրա տաճարի բարձրաքանդակները պատկերում են sntr ծառերը³ եւ դրանց խէժը եգիպտոս բերելու տեսարաններ: Մեզ արդէն յայտնի է, որ այս խէժը ոչ միայն հին եգիպտական լաքերի բաղադրիչներից մէկն է, այլեւ բաղկացած է (գոնէ Ամարնայում) Pistacia (մաստիկենի) ծառի տեսակներից ստացուող բուսախէժից, ինչպիսիք են, օրինակ P. lentiscusը (սովորաբար յայտնի է «մաստիկա» անունով) կամ, ինչն աւելի հաւանական է, P. atlantica-ն (Ատլանտի մաստիկենի⁴):

Չնայած դրան, այնուամենայնիւ, աւելի հաւանական է թուում, որ «բաղադրեալ լաքերի»⁵ պատրաստման արուեստը յայտնի է դարձել եգիպտացիներին դէպի Ասիա կատարած գաւթողական արշաւանքների ժամանակ: Իրօք, այս արուեստը կարող էր յայտնագործուած լինել Պաղեստինում, ուր խէժ արտադրող Pistacia ծառի բազմազան տարատեսակներ են աճում, կամ նոյնիսկ աւելի հեռու՝ Միջագետքում, ուր մի շարք տեխնոլոգիական առաջընթացներ կային այս ասպարէզում: Չի բացառում նաեւ, որ այն պահից ի վեր, երբ հին եգիպտացիները իւրացրին եռաբաղադրիչ լաքերի պատրաստման տեխնիկան, Փոնտից կամ մէկ այլ վայրից բերուած sntr խէժը սկսեց օգտագործուել ոչ միայն որպէս խունկ կամ խնկի բաղադրիչ՝ «խնկարկման» ծէսի համար, այլ նաեւ «լաքեր» պատրաստելու համար: Այս ենթադրութիւնը թէեւ ապացուցման կարիք ունի, սակայն արդէն իսկ նշենք, որ ճշգրիտ համընկնում է Հաթշեփսութի գահակալման օրօք այս լաքերի ի յայտ գալու պատմական փաստի հետ:

Միւս կողմից, ըստ Լուկասի հետազոտութիւնների, այս նոյն ժամանակաշրջանի հակառակ ծայրին, այսինքն՝ Նոր Թագաւորութեան աւարտին (1069 Ք. ա.) եւ

1 Taylor 2001.
 2 Serpico and White 2001.
 3 Արդէտք այս Sntr ծառերը մոյմ Pistacia ծառերն են՝ մէկ այլ շնորհած հարց է, ուստի այլ տեսակներ, ինչպէս՝ Boswellia spp. եւ Commiphora spp. մոյմպէս կարող են թեկնածու համարուել:
 4 Serpico and White 2001.
 5 Հին լաքերի «բաղադրեալ» լինելու մասին տե՛ս C. de Vartavan, "Is 'mny' the Solvent in Ancient Egyptian Varnish?" (AEC-Newsletter 3, May 01, 2008, <http://www.armenian-egyptology-centre.com>) կամ C. de Vartavan, The Principle and Nature of Ancient Egyptian Complex Imperial Varnishes. Advances in Egyptology 1, 2009, շուտով: